



張菊生先生 惠寶

迴瀾集目錄

宗旨第一 流通善書說 **遊盦**序言 阻施善書辨

文昌帝君戒淫文 文昌帝君遏慾文 文昌帝君戒淫寶訓 **交昌帝君飭士戒淫文** 文昌帝君戒色文

文昌帝君飭士戒淫文誓

聖謝第二

目 錄

格言第三 色慾總論 陸先生戒色時文

柳眞人戒女淫通俗歌

文中子戒談閨閫文

關聖帝君顯應遏慾文

教化兩大敵論

遏淫說

勸戒彙錄

戒淫歌

感應篇註摘鈔

劃改小說淫書救俗議 勸勿點淫戲

+13936

中華

民國

辛酉暮春之月

欲寡過

齋蘧盦主人

知懲警於身心之受益豈淺鮮也哉是為序

宗旨第

係吾師平湖許篆卿孝廉為搜集編次者題曰迴 先太夫人命取各種善書就其有關於戒淫格言錄成小本以便舟 嗚呼海上誨淫之書多矣而學士青年佳人紅粉復相馳逐於各遊 閱儲之行篋將四十餘年幸未遺失今特校勘一過亟付剞劂其果報一 變滄桑非好獨善其身亦慨狂瀾之未易挽耳余少孤童年倖獲一 恬不知恥 風俗人心之壞至斯已極一二道德之士輒閉門自樂不 湿瀾集願: 世之閱是書者略 衿後 復問 戲場 車

中,柳

中

世

者降祥作不 旨 善者降殃是禍 福之由於善不善也明矣顧善之途

蓋聞

作善

宗

流

通善

書說

宗

늄

何蒼玉 喬松 性理遇平等人說因果可知二者之書不可偏廢蓋可 不一 消災度厄集 風皆賴乎是雖書有性理因果之分總無非 擴充善性於以圓熟由鄕里以達邦國 第能限於一方拘於一 以布一邑即 斷斷不可少也古今來撰著善書纂輯善書刊布善書 禍 莫善於流 山 爽 福報 ± 瑗 誻 温延年 彭凝 應之談亦足以感動人心是以性理之書固宜 先 可以布干萬邑可以勸一世并可以勸干萬 輩 通 皆以 証 善書何則善書之流行可以化一人且可以化于萬 者紛紛 定 求 時也人苟能受用此書則善心於以啟簽善量於以 流 陳榕門 通善書而 不可勝數卽 宏謀 得 位得 朱石 自儒者以化愚民維持 國朝 禄得名得壽甚矣流通 君 教人為善古人云遇上等 如顔 珪 關 柱生 生愉 與言性理者固難 草敬 世 槐 黃泰 印施善 一流通 非 潘 世道 比 仲謀 卽 他 心善書之 因果之 書因 挽 端 īΕ 元 成 Ň 善舉 回 m 鑾 說 頹

有益於世道人心也匪淺卽爲之亦尙不難人何以不信此者多而信此者

少耶要亦未知善書中之真味已耳然欲人知善書之味必須先將善書廣

近而可行切而易曉庶知有所顧忌而不敢爲惡有所希冀而樂於爲善是 是有感應篇陰隲文覺世經及因果報應諸善書出使人聞賞善罰惡之言 又因人心險薄已甚六經四子書只可望之有志之士不能入凡庸之耳於 尊為善而賤為惡假使無聖賢書則人皆不知有綱常與禽獸無異矣厥後 經四子書流傳於後世後世雖不能人人皆行其言然賴有此書之存尙 **尊聖訓然干萬人中必有一二身體力行者是聖訓之有功於世也夫若六** 且古聖人憂天下後世人心之不正於是垂訓以遺後世雖不能强人人皆 誠能知善書中之真味是已進於善矣豈不樂哉豈不樂哉 為流通書既流通而後可冀見書者多見書者日多則知味者亦自然不少 阻 施善書辨

知

旨

聖不得已之作所謂遇平等人說因果是也嘗考諸書所載凡刻施善

聖訓第二 其必受天罰願世人其慎之 善類而滅善教直是率天下後世之人皆入於惡其心甚凶其罪莫大吾知 於秦始皇之焚書坑儒乎言念及此哭盡眼中血矣夫阻施善書者旣爲絕 絕善類也是滅善教也若人皆效尤則善書幾淪沒而永不行於世又何異 獲罪是作善書之神聖亦有罪平足見言之妄耳嗚呼世之阻施善書者是 所作神聖旣作善書焉有不欲人施之理若謂恐人受之而不敬則施者反 夫子曰十室之邑必有忠信况天下之大豈得謂無賢者乎夫善書爲神聖 受之亦未必觀覽且日人受之而不敬重則施者反獲罪噫何其言者妄也 善人也乃今之阻施善書者曰近世人心險薄施善書與人人未必受卽或 書者皆荷神庥可知神聖在天之靈深喜人刻施善書以勸天下後世咸爲

文昌帝君遏慾文

不知羞 在與 是貪 可嘉 花 心破色魔之障芙蓉白 之誅 **慶怒或妻妾酬償或子孫受報絕嗣之墳墓無** 令親族含羞尤使子孫蒙垢總由氣昏心濁賢遠佞親豈 孽海 何乃淫風 如玉之貌常存若姊若妹之心未犯者宜防失足 茫茫茫首 八其後 一喪國卽 花 泛乃計誘而使無完行若婢子若僕妾宜憐宜憫竟勢逼 地 獄 ·浪子當富則玉 刊淫詞談麗色目注道左嬌姿腸斷簾 悔 餓 日熾天理淪亡以當悲當憾之行反爲得計而衆惡衆賤之事略 以 鬼 錦 悪無 弘心繡口 無 畜生沒受三途之苦從前恩愛至此成空昔日 從曷若早思而弗犯謹勸青年烈士黃卷名流 如色慾塵寰擾擾易犯惟 面不 一樓削籍當貴則金榜除名答杖徒流大辟 一之士因茲敗節隳名始 過帶肉骷髏美豔紅妝 有邪淫雖拔 非好色狂徒妓女之祖宗盡 中窈窕或貞節或淑德 而一念之差遂至畢 曾犯者 乃是殺 知天 山蓋 人利 及早回 而致玷終身旣 地難容 風 世 發覺 之雄 身遭 流 刃 縱 m 頭 生莫贖 悟之 更望 對如 神人 今安 五等 可敬 坐此

五

亚

訓

息靈臺無滯世榮垂遠矣 文昌帝君戒色文

聖人制婚姻之禮立夫婦之倫男女以別家室以定不可亂也漁色則

彼之節彼亦玷我之節而虧我之德二者交相害矣然少年慾竇一開何 自改悔我再現身說法試問精神生有幾何風流能逞幾日轉盼 不至古人所以設白骨諸相大聲疾呼使人不墮欲海而世人視爲常談不 外宣徑則亂於內內外亂禽獸行也蓋婦人之道從一而終我辱彼之身敗 而白骨黃邱當時之綠鬢朱顏尚堪相對否乎且入其室 而髮白齒 肵

羅其 焉且王綱具在陰律尤嚴恐將削我祿籍矣恐將奪我壽算矣恐將斬我後 買笑明珠罄於蛾眉則家產蕩焉酒食徵逐羣小爲伍 (庭而闖其夫則性命喪焉女有蟲癆婦含瘡毒則肢體損焉 一則淸議興而門 基敗

黄金盡於

而遇

其父

落轉盼

嗣矣恐將使我妻女現償矣懼乎不懼且再就自家妻女身上一 想彼之翠 9年試 不 如

其性命 猛力回頭免了諸般苦惱勿執迷不悟致貽悔於後來宜自度度人共保全 之耶所以古人避色如避亂也 飾紅妝吾妻子與彼有異乎彼之空幃寂處吾妻妾保無是日乎敢以 文昌帝君戒淫文 一須知色是殺人之利器非利 人之美物

悅謂 眼目 見好婦 無便可得無隙可乘耳陰律實已著之豈得謂無罪哉茲猶爲未成私狎者 輕挑口角逗引恣諧謔以動心情謂之語淫見好婦女有心凝視著意偷覘 帝君訓曰人性惟淫難戒 射而 泛意淫若此之類雖衽席不交形容未接而淫心已蕩淫惡已彰 . 女時時注念刻刻存思廢飲食而形夢寐謂之想淫見好嬌女言語 神魂飛謂之視淫見好婦女假託慇懃詐爲周匝飾禮 人罪 惟淫最重世間罪孽不一 吾今細爲拈出之 節 m 止 圖 恨

謝

八

腸能 族 站門風壞名節夫恥其爲妻子恥其爲 飾迎 挑斷臂以見貞刳腹以示烈如此剛志能有幾人哉穴隙踰牆較已嫁之女 孀妻遙遙歲月守節原難或逢逗引捐紅顏於頃刻拒白刃於須臾如此 **曾之幼婦少女貞心未固烈志未堅狂且朝而引夕而引食物投其所嗜衣** 非吉淫罪滔天天地更難寬宥者也至於青衣使婢亦婦人身也勿謂 爲易動一 者也閨姝處子及笄之年情事已知慾心漸覺天桃未賦摽梅 姦眠於黑夜故夫哭於黃泉祖宗髮竪鬼神眦裂淫罪滔天天地尤 恥 |其所好容止笑貌得其歡心心非 其為 有幾人哉月夕花晨較有夫之婦爲易誘不知數載貞心片時 旦失身終身抱恥有慚花燭之宵殊愧奠雁之禮琴瑟必乖家門 本姓婦辱及三宗汚流數代淫罪滔天天地斷難寬縱者 木石 母翁姑恥其為 不能 無情邪腸一 媳父母 軟苟合遂成 將詠或遇勾 恥其爲女宗 が難寛維 1也嫠婦 掃

地 新

烈

豢養姦宿

無妨青樓紅粉亦婦人身也勿謂得我資財淫慾無害雖罪

傾刻之歡娛 理與 偷覘被我媚悅甚 差而 必非常忿怒雖手刃其人而恨未洩也人之妻妾被我思念被我挑 人君子自命者猝遇邪緣不能定情鮮有不失足汚池沈身慾海 家烈婦必出其門閨房蕭而帷薄謹婦道 是故不淫之人天地重之鬼神敬之不犯陽條不違陰律後 之愈久報之愈刻後世妻妾子女爲妓爲娼皆不可知 而妻妾亦被人淫我淫人子女而子女亦被人淫卽 思我之妻妾被人思念被人挑逗被人偷覘被人媚悅甚而被 我同 淫則一也嗚呼世人淫罪易犯卽平昔硜硜以道自居以操自守以正 也是淫人之妻妾者不獨陰律有犯實性命有關之事也 而蹈性命不測之禍哉而况淫行報施絲毫不爽我淫人 一而被我私狎人之非常忿恨亦必思磨刃以殺我此 正 而坤儀順子孫之興可立 或不然是天 之事 世貞 矣吁 八心怒積 女必 人私 中矣何 可畏也 何 逗 宴妾 心此 被我 狎我 生其 苦以 見 遲 矣

設或不幸而有邪緣相逼學魯男子閉戶可也學棚下惠坐懷可也學謝端

九

聖

訓

世人何不勉而 切戒之

文昌帝君戒淫寶訓

帝君曰甚矣淫之爲害大而流禍毒也燕啄皇孫漢祚因之將盡龍漦帝后

冥則有鬼神之極明則有王法之誅或徒流或笞杖或絞斬剝膚傷肢受盡

歡娛有幾今之呼疼叫痛解脫何時豈知流水桃花腸斷情多劉阮終成苦

趣行雲送雨魂迷夢襄襄王總屬愁因害及當身纍言莫盡禍貽後代罄紙

許多現報或劍樹或刀山或油鼎悽風慘月難逃無限陰刑昔之臥柳眠花

之鬢夢繞翠帷錦帳抛卻黃卷青燈情牽螓首蛾眉棄彼螢窗雪案赴佳期

於邃室暗中獨往宛然穿窬之形踐密約於空房奸所雙擒旋作餐刀之鬼

評詩寄崔鶯徒作千秋笑柄貪歡致疾瘦減荀令之肌漁色殞身憔悴

潘

郞

世

夏廷由是寖衰新臺作而穢迹彰牆茨歌而醜聲著琴挑卓女空遺萬

聖

+

多為貪淫而遄歸死路骨化形銷何如苦海回頭奚若愛河登岸視明 愈增後罰少壯者前程甚遠因好色而不齒士林身敗名裂遲暮者光景無 時之樂盡墮前功貧賤之人日受憂愁困悴皆是前生造就圖茲頃刻之歡 孤眠奸淫報異常酷烈夫富貴之輩身享厚實崇高都緣累劫修來戀此片 一善女爲娼而媳爲妓倚門獻笑風流債加倍償還子則絕而孫則滅荒塚 蜂皓

難

帝君曰天道禍淫其報甚速人之不畏夢夢無知苟行檢之不修卽災殃之 所厚望而重期者矣 法之誅處暗室而不興慾念品行無慚於玉潔姓名自著於金函是則予之 齒不啻骷髏覩炫服新妝 立至嗟爾有衆聽予訓言惟惠迪吉自古云然不善降殃昔人明戒春 文昌帝君飭士 一戒徑文 如鴆毒畏鬼神之殛對彼姝而不 心懼王 秋之

·動邪

聖

訓

|皆敗國而亡家風雅之刺譏盡鶉奔而鵠逐故逆理乃自戕其性而

汚名者可得予蒞文衡常垂教示奈士子止貪半晌之歡罔惜終身之計 **淫卽自奪其名人事一乖天心盡怒桂香上苑非潔己者難攀杏宴天恩豈**

火終年潦倒豈負學苦文高一世迍邅悉是踰閑敗節士人不察於所由 勾削只緣窺彼鄰妻數字增加端為拒茲驛女欲聞平地之雷莫起寸心之 人自淫交手為市業報慘報洗心者誰吾於二八試闈每多臨時 去取

院三場有鬼惜哉字字珠璣忽遇燈煤落卷悵矣篇篇錦繡無端墨迹汚文 或怨天而恨地植來黃甲只在心田衣爾紫袍總由陰隲棘闈滿地皆神文 此時予實主持孰謂蒼天無眼榜發三元爲有驚神之德蓮開並帶旋聞 慈之凶倘能持戒而不邪自爾名歸而祿得特頒新諭咸使聞 文昌帝君飭士戒淫文 其二 知

日吾奉命巡游遍查慈善功過分示賞誅隨據青衣童子呈上黑籍內開男 女淫惡累于萬條憫此衆生顚倒罔悟降筆作戒淫文宣示咨爾有衆咸聽

難半枕凄凉牽情尤易逞我滿腔熱血鎔他一片冰心鸞鳳纔分琵琶別抱 存 甘言蜜語圖歡會於黃昏旦晚恍若兩人回顏可恥上下渾如同輩閨範何 心 盟 沒世懷慚彼狡童兮罪何如之若夫嫠婦孀妻青年獨守孤燈黯淡矢志爲 螽 **慾念方張不思畏我諸父致使承顏膝下穢形貽白髮之羞合巹房中殘質** 子深室嬌娥玉質無瑕金鈎屢釣在幼女性真未問漫疑人盡可夫 浪之難平若非慧手垂攜怎得回頭悟道特宣大戒廣示羣生彼夫名 悉屏從匪彝而圖逸樂嗜慾潛滋躑足迷城歎窮途其莫返沈身苦海 予言今夫儒者持躬廉恥是尚士人立志正直爲先謹名節而惜身 縱不投暗昧之胎貽羞鄰右恐難免嬌娘之妬覔楚帷房含慚而節大虧 至於綠鬢丫鬟青衣僕婦品殊貴賤分別尊卑怒色厲聲任指頤於白日 山誓海新姦快黑夜之眠疾首痛 新婚之醜後此謝蘭燕桂終愧母儀就令投井懸梁難全婦節一朝失足 心故夫銜黃泉之恨我亦人也夫獨何 而 軀 悲濁 淫邪 閨 狂

訓

Ξ

四

人難論節

權利

害傾囊倒豪徒

博

他數日

|綢繆暮雨

朝雲問

惜我

一生精

血

何異

擁

事

敗

而

身幾隕

語夜細思毒亦甚矣降而青樓名妓翠館佳

聖

訓

樓海 臉難 無 虚 如賓 情片語畫聲百口騰焰罪深孽重誠難逭矣卽如牀第友朋深閨琴瑟當效 之大節快我片刻之狂談言者無心祗供賓客閒話聽者忘 名月夜偷 城之富開 一陽臺光或性愛偏房心嫌正室得醜妻而嗟薄命須知紅顏實薄命之緣 地蹈水火而不顧捐驅命其奚辭揆厥所由咎將安在至若附 人虛事原屬夢裏空花村女村童認作前賢美蹟花前 於冀氏莫學內亂於崔家月下星前慾動休登楚岫烈風暴雨興高莫 市迹 逢耗散元神淚痕 近鄰疑似 門而揖綠林是猶棄六尺之驅俯首而攖白 書竟爾一 無端 朝得第閱傳奇而 **滋誰帶**一 而證據昭然言出萋菲傾刻而 場春夢庶其醒乎更有編造歌 心動 魂飛牛天想彼美 醜聲 切迨至 遞 郵布借人一 **倦爭傳風** 簡 m 居 詞 蕭 然干 影依 神馳 條行 流傳 月奇 聲 閭 李笑 載 身 身 蜃 安

神下關身命也嗟乎 娶美女而逞風 書終窮於十上綰半通之綬帶難免於三褫甚者氣散神昏早歎安仁不 行懷紙窗之易破玉節冰操感琴韻之難挑風清月白奈何 是鏡花水月普願 鬼誰欺興言至斯可哀也已抑思苦海 或至形單影隻致嗟伯道 邪途黃卷青燈功墮 刻歡娱折盡平生之福 墮才子之塵坑巫 放下屠刀戒時增慧身陷妖魔之宅隨在 流當思罪過乃風流所釀倡隨不率詬嶭時聞亦足上 Ш 皈 於歌樓舞館青蚨白雖財靡於柳巷花 坐懷不亂千秋重賢士之名秉燭通宵奕世仰高 依 丽 後回 澤何 正覺勘破塵迷素口 無見欲收效於參苓膏肓難治思乞靈於冥漠神 思味 如 時堅忍克綿數 如 嚼 無涯迷城易破 蠟 皆 羅刹 毒蝮 蠻 臺前 腰銷英雄 蟒 世之箕裘健以祛 蛇 追 経開 海痛 蒯 之孽火 游 街負蓋世之名 昧彼芳躅 鐵甕 矣噬 清 淨 熱 臍 紅 之 鄕 妝 地 邪 與 争入 其片 白 到 生 恆以 楡 凉 面 處

聖

訓

(性柔情纔動

五

神鑒在旁妄念偶萌鬼瞰其室休言神思無害忘餐廢寢元

聖

六

生死之關休教沈溺愛河自昧人禽之界朱顏不再白首難期黑籍有名青 **雲無路凡在士人各宜** 耗 關聖帝 於無形莫謂目逆是虛色動情移醜態呈於有象及早斬除魔障共明 君顯應遏慾 戒之 文

我本大漢良臣立志輔國佐民在昔忠貞報主於今正直成神堪歎人生在

子性真未固師長教訓宜頻切戒淫書入眼令渠氣散神昏宜講因果報應 真經惟於淫字未透更著遏慾之文一願公孤卿尹誠心爲國爲民愼毋 世 竟 難 如 我 存 淫更歎愚夫俗子安知冥律森森若不多方警覺忍渠孽海深沈淫惡原同 子子孫孫三願農工商賈朝夕勉勉勤勤慎毋性耽花柳轉教家道難興童 色輕道致令民不興仁二願鄉紳衿士切宜愛惜聲名愼毋恣意淫佚遺殃 使其觸目驚 心婦女未知大義亦有性若浮萍我輩正宜開導何堪釀就邪 :心不敬君親師長徒知作惡紛紜我因游觀不忍續 **©成覺世** 重

普天同 避微 **進天刑況是口談目逆幾忘神鬼森臨更造淫詞豔曲虛** 火坑 羅殿 之門 上則 環天理分明若果遇邪堅忍卽與他善區分大則狀元宰相小則積玉堆金 務須 是農鐘屢 粉黛 以則鬼怕神欽報應毫釐不爽世人何不遵循何可漫無忌憚自開 墜時卽致焚身不但已罹慾海方爲罪孽非輕卽使淫 速卻迷津 何存 生則官司 祖宗受福下則兒女蒙恩近則名垂宇宙遠則譽炳 上牛頭馬 志常將一 學憑 方識 ,口舌水火瘟疫刀兵刻刻凶神暗算種種 回首 從前 人痴夢驚醒若是平時未犯更須防意 面無情油釜刀山劍樹般般受盡苦辛此 語奉行試問易我妻女吾儕果可甘心害人終須害己 皈依吾教久之殃 恩愛都成業障冤魂偷使曩時 去福 臻 が井諭 稍 此 如 忍 經 言悞盡愚 城刨 不教遺恨 日黃泉路裹多情 一悪報交侵死 日星顯 在 心 處 或已罹 邪魔不 動終 則 於今我 吉趨 人 八我欲 難 :大罪)則森 地 敢

獄

凶

横毎

旦焚香敬誦

Ħ.

神環護家庭自可逢凶化吉全家遠避災禝

出

外

縱

十七

册逢人開導慇懃山裏虎狼遠遯舟中波浪難傾久久操持不倦許 聖

厥功輕重暗中錫福添齡美語良言不盡大衆自重前程普願力行身體莫 佛堪登錫爾子孫福壽俾爾封誥身膺或有抄傳印送吾神賞善仍均 教辜負金箴

文中子戒談閨閫文

言語偶失謹鬨然共道臨卭行跡暫時乖倏爾羣稱河問 **斥誰誰** 事已干乎天條何可資為談府乃有吉席華筵指某某而陳鄙褻 **穴清規罔飭遑問牆羨敗紀小人妄想花柳之事持綱君子獨傷** 其無淆夫婦如客如賓予以有別自惟薄不修寺閣失守濁富承家莫 蓋聞內言不出閫謹中毒之規外言不入閫慎復關之辨男女異途異坐尙 |而快驕懽追風捕影執莫須有事成真含血噴沙取或可疑情

傳千萬阜白難分里及鄉鄉及邑邑及天壤薰蕕莫辨數句閒談遂使香魂

傳十十

傳

百百百

作據

閒

行

雜

風化之乖

慚鑽

十八

爾仙

甄別

門有訓到夫家守婦道 來生自古道婦之節三從四德又說道婦之德荆釵布裙小時節 曉我此番又有句要語叮嚀人在世爲女身原是不幸全在你早猛省 輩孫輩恤穢德而羞親汚人九族誠無形之金刀毀我三綱是待誅 冶容誨淫男子漢犯了 戒淫歌專訓女告所未 漓涅盡清名無處洗霜毫綽約點成梟 女差五百級你若淫孽更重永不超昇況且是男犯女重 先消子姓死後定滅人身凡百君子宜思謹戒 即有真情宜思隱惡况爲揑語能不傷心更有作爲歌謠傳諸樂府墨汁淋 吞聲於舌下半生名節乃為汚蠅飲恨於閨中夫家母家痛敗倫而辱祖子 柳真 人戒女淫通 俗歌 淫尙 **| 隨富隨貧你試思婦人家所重** 有婦女們近前來說與你聽我前番勸你孝想你已 有恶報何况你是女流可不正經古人云男與 語幾時除天地難容神 何 山之隔你若正堅 事豈容你 人共嫉 在 胡思 之鐵案 母 修修 家 生 想 圍 前

聖

十九

竉

刻尋

君第

從

聖

人衆倘 斷難容改節操再去謀新第三戒名曰愚愚必受惑信僧尼結懺會男女混 煩刻尋惱詬幹家庭全不顧後日來圖個子嗣只恐其失寵恃戀蓍夫 女人們當選七戒戒 花消 宿山 行老年婦去入會要修來世少年婦欲入會卻爲何 是戲弄神 了魔全不醒悟多做出淫奔事汚體辱親第五 一戒名曰活活必難守少年寡心不定頓起 他 .何至迷魂吾奉著上帝命代天鑒察乘飛鸞駕雲輅遍處游行大凡那 門自家公自家婆全然不敬某王 不少徒惹得被人哄敗俗喪名你只道奉承神 混 入邪 ;明第四戒名曰痴痴必妄想說文書看豔史擬趣 教內亦要遭 《得此七大病自消孽根第一戒名日妬妬必爭 刑尤可怪婦女們捨身寺院常喜歡立誓願住 一爺某娘娘服侍殷勤 邪淫你去想婦 一戒名日貪貪必好利愛著穿 神郎喜! 因況且是拜懺會聚 你那 人義 事情 典釵梳罄 終宜 到 曉

愛著吃不守清貧別人財別人物不分畛域只思想圖受用穢德彰聞朱子

後

來

得

都

私

集

常倚 不謹 不入 游行 曉得 差終身莫贖到後來釀罪禍悔亦不能女人家在閨中如塊白 閣徒 苦甘 忙梳 親授受那容你聚一處自導邪淫此 有時 被那 門常見客全無避忌看戲文看賽會巧扮輕盈全不顧婦 **墮**其 迷津堪歎那閨閣中能事女子主中饋勤針黹原甚聰明只因 與婆淫盜之媒你去想這 受辛撫育子孫果 洗勤 戲樗蒲擲色子魚龍混雜拜乾娘結姊 玷 遇朔望焚香 汚終身莫嫌 、計失節敗名第六戒名曰 **注 軍家事孝翁姑禮丈夫件件當心** 外人輩議 「頂禮 我話絮煩諄諄告誠再聽我示爾等簡易法門起早來 論風生第七戒名曰狂狂必妄動非 、如此 每日間脫個空處拜觀音假 絕邪淫一 淫 一盜何機得乘皆由 七戒凡婦女最易去犯若 輕輕必不穩時大笑時大叫任意 念不 無苟言無苟笑必莊 妹花會揚名再不 染原勝 過入寺院 你貪吃穿任 如 然你丈夫 親誼 玉你 人們不 在果當持正 茹 想男與 非 犯了斷未有 ·慶弔 素 必 其撮合那 若是稍 他一念 敬甘 修 胡行 行 離閨 到

訓

姑

卽

受

聖

訓

清閨門我所說簡易法人人好做再待我說幾個故事你聽春秋時 倘有能勸婦 爾等遵我訓師法他們願爾等從此後回首轉勸願爾等堅持 來說不盡多少賢女沐恩綸入祠宇特肅明禋此等人人也敬仙佛 **形管流芳百世亦由他能報仇柏操堪欽國朝時有一位秀姑孫女他爲** 史萬代留名三國時有一位孫翊節婦斬賊首祭夫墓才節雙淸到 敬姜賢母他為人最戒的舍力淫心那時節孔聖人也曾贊歎所以 爲業往往有做脚色害盡婦人此等人原不過只圖利己須要緊堅絕 名尼姑們雖女流焚修佛地亦常有不肖的敗壞清真虔婆們慣入內賣 偷不幸守了寡尤要堅心立定志耐著苦誓守死節務必使盡婦道教子成 拒惡少貞節戕生迨後來烈女香流傳不朽亦由他心激烈載誌題旌 女克全節孝不論是男和女名註仙真刀兵劫水火劫 久毫 無倦 他傳 諸 亦 如今揚 有 る敬願 刧不 古 他

今

V

經

位

肅

犯誕賢嗣增福壽昌大門庭人生世能盡此忠孝節義豈不是天地間

個

完人

陸先生形色時文少之時血氣未定戒之在色題

望之身而惟知妻妾之好合已不可言矣況采蘭贈芍蕩而不知止者乎不 能以理義制其血氣至於戕生敗德而不顧尚可列於士林耶以聖賢所期 育之身而惟知夫婦之燕昵已不可言矣況桑間濮上淫而不知恥者乎不 心所嚮往不在詩書而在彼姝矣少之時入孝出弟之時也而無如慾之熾 時焉少之時誦詩讀書之時也而無如情之蕩而難制也血氣使然也於是 倫也而以爲色矣且不安於倫之內而溢於倫之外矣其病則莫甚於少之 倫也非爲其色也自有好色者出而嗜慾之心日勝禮義之風日微不以爲 尤甚此而不戒惡有不可勝言者故聖人爲之立其防曰男女居室人之大 而難勝也血氣使然也於是意所流連不在孝弟而在床第矣以父母所鞠 **恶莫大於好色聖人爲少者嚴其防焉蓋人之溺於色者多矣而在少之時**

聖訓

Ш

不

聖

使血 起居情欲之感無介乎儀容燕私之意不形乎動靜而況合不以正 能希聖希天以維持夫氣運已可愧矣而況耽於宴樂使名教由 何弗思之甚也是以君子視色若戈矛懼其傷也遠色若險阻懼 以似續其祖宗已可恥矣而況卽於慆淫俾家聲由我而墜也何 也在愚頑之子弟置其身於規矩準繩之外猶無足道也若夫賦質聰 鄙夫棄其身於寡廉鮮 而 虧 出 不 担 以 自以爲 氣勝其 》學問: 知其淪 我不知其果何樂矣方其迷而不悟自以爲 人間至樂之事不可已也而 化其血氣至於傷風敗俗而 **《義理弗使學問敗於血氣夫婦人倫之本猶必嚴其** 於禽獸也親戚鄙之通國賤之我不知其成何品矣在閭閻 恥之中猶不足惜也若夫生長世祿不能肯堂肯構 不知其入於陷阱 不顧尙可比於人類 人 世 一風流之士固當然也 也身日 耶 方其溺 內 我而 其溺 弗思之甚 削 者 外 焉 乎 愼 明 壞也 也 行 而

Ž

馬相如文章雄於西漢一惑於卓文君遂不爲正人君子所齒況不

如相

如

司

其

弗

·嘖嘖歎賞相如文君者真得罪於聖門而殺無赦者歟

者哉後世有 俗謂邪淫曰嫖夫淫已甚矣況邪淫乎亦思世間穢物孰過娼妓而 涕學者何可作閒話看過然聖人所惡之色亦只指桑中溱洧之類言之 之狎乎宋玉謂登徒子非好色直好淫耳若今之嫖者非特好淫直好穢 若後世有所謂嫖者與娼妓狎處則聖人之世所未有也按字書嫖音瓢 色之一字敗壞天下人才不知多少聖人諄諄欲少年戒之不啻痛哭流 耳真不可解者也使聖人見之不知更當慨歎何如爱作是題以示生員 可 與

聖 訓 某

稼書陸隴其作幷記

五五

色慾總論

除也修持者盍深謹焉江舟次曰諸惡業中惟色易犯敗德取 從未汚人幷無房室而色慾之過惡已積而不可勝計者則惟其念慮之不 色慾首戒汚人次戒不謹於房室而其最上丹頭則在於清淨念慮蓋嘗有 鴯 亦莫過此

種惡業從此而 嘗即萬惡淫爲首思之世間惡業無窮何至以淫爲最蓋淫念一 身後不昌才人文士而終年 實有其事已積惡造罪如此況顯蹈明行罔知顧忌者耶世有忠厚善人而 生貪著心羨人之有生妬毒心奪人之愛生殺害心廉恥盡喪倫 生邪緣未凑生幻妄心勾引無計生機械心少有阻礙生嗔恨心慾情顚倒 念時截斷病根大抵人之一心平時能持則當境自定從未有平時搖搖當 起種 種善願從此而消故曰萬惡淫爲首夫一 療倒者其病皆由於此今欲斷除此 動淫 病當 生諸念皆 理俱虧種 心未必 自起

不染者也今人於色界中未見則先思見旣見則欲貪見枝牽蔓 格 二八

境能 血脈亂人骨肉宗祧又曰殺人者殺其 欲陷入火坑而 似其祖若父生前何似見貧賤者則以爲命也見困窮者又以爲命也 惡之重莫甚於斯宜其降罰之重亦莫甚於斯人恆不察未知其人平日何 之節使其父母翁姑夫妻子女一 仲錫減盡狀元 陸仲錫黂 日彼善人也而何以不獲報抑知鬼神所以儆勸之苦心問自有在乎卽 可以惕然 前一 而 思悚然而懼 :後快彼云人禍不 、祿籍甚矣鬼神之重此事也世人但念萬惡淫爲首 事究言之特虛願耳何嘗有實迹乎乃其師 矣嗟乎昧焉 或聞知恥懸眉頗之間痛纏心骨之內過 及我謂天刑難逃矣古 岡察猶 一身淫人者殺其三世 日 無 知 縱情 人有日褻我 即受抽 無 蓋不 忌安逃天體 特 己之語亦 腸 可必 甚 極 破 궲 Ã 父 如 m

異而

獨於戒淫之語說罪過說冤仇說果報

不謀而同

如出

轍可

知

此事

其亟以功過格爲皈依是所深望於同

志諸

君子

也古

. 來三

教之書每

多同

不能及 之際本 自解 年後 移 妝濃抹當場獻技之時能令人瞥見神驚試 思 女 聖賢之途 足者比 萬不 在焉 如何 司 今日之淫 過 如 雞 可 之神在 是則 - 外面 .謂之忍力語錄有云譬如慾心既萌猛不 如是則可以忍乎譬如淫人妻女者試想人之淫我 也 輕犯 皮鶴髮甚不 比皆是乃知 加 如 可以忍乎再若心有所動意有所觸試念苟合之時 何謂之定力平日操持嚴切念起卽除我心旣定自 目不見不聞之地大有不堪回想者此惟 行 何謂之慧力美色當前乍見心動試 而實萬萬難以自持英雄豪傑他 我旁也三台北斗在我頭上 卽 明日之死徵人至於死而雄心灰矣若夫青樓 堪相對 其難 也惟能於難處 也 一再思百年之後皮養臭腐甚不堪嚮邇 有慧 |也三尸在腹竈神在戶日月|| 思其未經梳洗之時 : 力有定力有忍力方可以入 事 可 思今日之明眸皓齒二十 僅 遏試揭其掉吾母 有 執 持 (妻女我: 而獨於此 1然遇 之不慧者 未施 感應篇所 紅 將 粉 與否 他再 何以 物不 粉黛 其靚 事

二九

天記錄者 有之瞋視者有之竊聽者有之含怒者有之照臨者

有之如

從來天下之治亂係乎人心人心由乎教化教化一 是則可以忍乎大抵定力既至慧力忍力皆可不用矣 教化兩大敵論

日不行則人心一日不

皆所以振聵覺聾宏宣教化也維風俗正人心於是乎在猗歟休哉固宜 得褒旌歲費帑金數十萬建坊立祠聿昭盛典俾人人知所觀感 **所不至又復表揚善類采訪頻仍凡屬孝子悌弟貞女節婦至行可嘉者例** 昌明學宮之外書院義塾鄉約賓興久著爲令凡所以訓誡小民者固已無 轉教化者聖王馭世之微權實人心風俗轉移向背之機不可一日或廢者 邪氣未除則補劑必不能受此理勢之所必然者也我 也顧欲興教化而不先去其與教化為敵者則教化必不能施譬之治病苟 朝崇儒重道正學 凡若

海內外悉主悉臣而無敢踰越者矣孰知近世竟有壞法亂紀敢與教化為

此者

四方鬨動男女環觀妖態淫聲最易煽惑遂致青年子弟 **固教化之大敵可爲痛哭流涕長太息者其一也俗語云風流淫戲做** 魔難完白璧是 爲尤速也是聖賢千言萬語引之而不足者淫書一二部敗之而有餘 檢踰閉喪身忘家者比比皆是是賢父兄訓迪十年不及淫書一覽之變化 汀先生云古有三教今則三教之外又添一教曰淫詞小說佛道猶勸人以 **曾垂訓也何一非導人於正而淫書之作則惟恐人之弗入於邪先輩錢竹** 之大敵可爲痛哭流涕長太息者又其一也是二端者一 十個寡婦九改節义有云鄕約講說一百回不及看淫戲 大敵可爲痛 百正人君子扶之而不足者 :小說專導人為惡少年子弟情竇初開一經寓目魂銷魄奪因此 一哭流涕長太息者厥有兩端一日淫書一日淫戲夫聖人之立 國家歲旌節孝千百人不及淫戲數回之觀感爲尤 一二賤優狎客敗之而 有餘也 則登諸梨棗毒固 璇門姬姜牽惹情 一臺蓋淫戲一演 此 尤 教化 捷也 也 一齣 而蕩

此

格

蓸

格 言

無覩 天日 亂俗 號聖人徒者一堂濟濟乃心惡之而卒置之一任其揚鑣豎幟凌蔑先民 事所志者又何事何千 忝列 點演 中於 人心之蠱毒政治之蟊賊也此聖道之荆榛師儒之讎寇 至於斯也吾不 **乙彝倫孰非沐浴聖化以有今日者謂宜** 藝林 可也謂宜 者蔓延 者尤屬 任其鴟張簧鼓惑我齊民而曾不少爲措意也何普天之下 建毒 **寡廉** 則若爲聲容害且及於帷薄在作之者問 聲罪致討埽蕩廓清不使稍留餘孽可也讀聖賢書所 至於此 意我 鮮 恥吾不意尼山删定之後文字之禍樂章之壞 百年來擁暴比為多士師者後 朝崇儒 極也]嗚呼此夏廷之洪水 重道正學昌明而尚有此 心傷髮指 其藩籬彼 1 **| 先林立|** 屬喪心 切 此 齒同 成周 也吾輩含生負 縱橫放誕 將不 一乃熟視 之猛 仇 病狂 不 -矜碩學 典共 獸 其 在刋布 之若 學何 流 敗常 也

戴

性

此

耶豈以爲耀德無取觀兵吾但自舞其干羽彼將不日來格耶噫其然也其

爲過

問也豈以爲小

。醜無足介意吾但自固

戰自退

可慨也習俗移 **淫書之宜燬宜禁固矣而** 者則今日淫戲之宜禁邪說淫辭之宜燬非爲治者第 不遺餘力非以其負嵎之勢已成顯然與吾道抗有不可不鼓全力以 以其言之誕妄恐遂流蕩亦未有如今日之甚也而孔孟已大聲疾呼排 其近於柔靡易於惑人斷未有如今日之甚也戰國時之淫辭邪說亦不過 說放淫辭當是時天下之弊政弊俗當革當除者亦多矣乃 不然也昔夫子之與顏子論爲邦也曰放鄭聲孟子之言正人心也曰息邪 爲之登高 談笑處之以爲 之方挈領提綱急其所急其所重者蓋可想見矣且春秋時之鄭聲不過以 則曰息邪說放淫辭如治病然邪未除總不敢言補從可知古聖賢救世 而呼力排衆議恐邪氛日熾愈出愈奇駸駸乎且 無損盛德者是大敵之外不啻又有張其餘 人賢者不免末流橫決砥柱伊誰 一世固有聰明自負之徒逞其才辨顚倒 非 有當代名世 一要務耶雖然淫 有倒戈 而 一則曰放鄭聲 助之攻者爲 大 是非轉若 内向 (君子出 除 戲

格

言

吾道

憂者更不

知伊於胡底也一

肩世道隻手在瀾噫微斯

Ã

吾誰

與歸

三四

爲妖固知此邪淫之念非我之本心乃我之魔障也魔障其可縱乎人 不遠色一日思魔障我與聖賢同此 五 楊持菴曰人非禽獸皆具覺性乃貪淫之人真性迷錮特未之思耳余請以 魔障之害則不敢不戒淫一曰思苦趣昔人謂囹圄罪人身嬰桎梏 帝王之福而一 一思進 勸 | 飛彙 一曰思敗亡妹喜亡夏妲己亡商褒姒滅周飛燕亂漢玉環 綠 耽美色遂至身弑國亡况常人乎人能思敗亡之慘

心而乃舉念邪淫皆緣惡業深重

色

魔

心

畏刑

能

思

窗.

唐以

則

不

誅皆緣前 不可不思也一日思墮落淫念如水之流遏之則止縱之則淫佚潰決而不 慈不 思芳趣之害則不敢不禁慾一曰思流弊居室大倫夫婦 惟家政廢弛坐見子孫狼狽亦且刑于不肅爰啓後世邪淫此 世縱慾遂性故此生罹諸苦趣所謂女色爲衆苦本憂愁本也人 有別人而 流弊 耽於

能

淫

惡道 節不必顧惟有報應二字庶幾足以制之就報應中又惟功名一念大足奪 黃家舒日邪緣偶值猝然動念之一刻謂王法不及加謂清議不足惜謂名 畏哉可畏哉 殃及子孫皆有明驗顯報少年當竭力謹守視此身如白玉一失脚卽粉碎 高忠憲家訓曰自妻妾而外皆爲非己之色淫人妻女妻女人淫夭壽折福 空華慾火淫根不難斷以慧劍何至飲情癡之酖而終身迷錮哉 可救昔人謂貪慾無已坐令心壞性滅行汚恥喪膺鬼神之誅譴墮禽獸之 此事如鴆毒一入口卽立死須臾堅忍終身受用一念之差萬规莫贖可 此墮落不可不思也人能以此五思滌己五慾則蛾眉皓齒皆可視若

視

三五

孫否則縱情狂妄轉霎成空味同嚼蠟而褫功名減祿壽近毆殺思之可畏

之試思豔冶當前不納不亂不過片刻能持可以馴致登大魁享祿壽福子

而

竟付

之不

思 耶

格

言

三六

朱石君曰萬惡淫爲首人欲之易動而難制者也然遏之須於起念之時見

便是生人地獄若能當境執持慧劍自斬片時之後神淸氣爽明日心廣體 畢之後暗中尋省有不自悔自恨者乎中心恐懼疑惑舉止跼天蹐 迷失足敗行空花一過橫陳嚼蠟兩敗俱傷人孰無一點良心還問行 餓死不食砒毒倘或惡緣纏擾卽作刀劍死傷刑獄各種變態想則心自定 人之妻女常作人見己之妻女想其曠居者必自譬曰寧渴死不飲鴆酒寧 人禽禍福之關此而不慎可惜也可畏也可憫也 淫惡則諸孽皆輕能全一人妻女之名節則冥冥中以爲不磨之大功然則 矣避嫌遠疑早一著更妙萬勿如溺水者沉淪而不可救也人能一生不犯 草堂曰凡人生得美貌多情是大不幸事試想邪緣適湊時若被顚倒沈 地

陸桴亭曰昔人云見利思義見色亦當思義則邪念自息矣四十二章經數

胖舉止安泰卽此便是極樂世界不必說到報應地位

也

郎此

邪纔

孫畏 也主 萬 害强奸殘忍其父母咒詛 于鐵樵日淫戒 聚麀或兄弟薦枕骨肉相仇三也方孕則毒藥下胎母子同斃四 尤易行姦亦宜切戒 不 樂誦 也懷孕而 溺棄嬰孩視 語甚 得 失所 之曰嫖字取女票勾人之義妓家雜色淫蒸毒 人 好老者以爲母長者以爲姊少者如妹幼者如女敬之以禮予少時 一毫亂 此 數語 格 死婢. 配下賤親 必至自盡冤魂相報 亩 人命如 然細味 動 自良婦 女改嫁致 何煩解譬降伏 戲五 生子女降為奴僕七也始 之猶 有因此削去科名減除祿壽者不少格言云汚 而外尤以處女寡婦為最人知之矣然在婢媵僕 公母子相: 一也婢別 一也主母兒妒毒加鞭撻弱命不保二也或父子 有解譬降伏之勞若能思義則男有室女有家自 入 也得 医十 有私情主人問 也吁 籠之後搬弄是非 可畏哉 [i] 覺他 誘騙作妾繼 入肺腑染之者 人血 家 中 脈 不 則 承 繼 也 得安富 得 小則 既產 價 祖 婢 遠賣 有十 先六 痼 九 則

格

不可 舉者有鍾毒於妻致妻終身不育者有毒發在 疾 戀 無 蓮桑居士曰斷 有惹毒於妻所 若瘤者有發魚 屈 歷然異諸 仰 大則 慚愧 勝紀 頀 者 喪命余所見聞 有病 書作字俱有精采 色 禽獸 知命者其戒諸 久骨顿· 歲省藥餌所費之資可以周濟貧乏一 生子女遍體無皮者有惹毒於妻妻生瘡腋下而死者種 下 氣足精滿寒暑不侵一面目光華舉足輕便 如筋 體迸裂者有毒發在趾漸漸 有聾其耳者有半身不仁者 者 脾胃强健能消飲食一 有病蠟燭瀉瀉去 喉聲啞 其陽者 脱落至 屏絕 本 有 四肢 無音者有當額 有痿其陽至終 地 女子小 一腰而 風 光自 癱 五. 輭 職皆見 膝直 人了 禮 有 真 神 無牽 對 身 樂 正 下 不 種 者 聖 垂

叉日

世

人

好

於後生小

子前語及淫

一褻以爲笑樂彼年

少

無

知焉

知利

害聞

甚至天亡

覺津津由是鑿其未破之真竭其未完之髓以致奄奄成疾

終身禍患實由旁人之鼓舞始也夫不能正言規戒已非益友况又從而導

拙修老人日至幻者心心有所愛忽於清夜間動一邪念境旣緣心而造像 在色未有邇而能戒者 羅念菴曰害身莫甚於色故色慾聖人之豫戒書云不邇聲色孔子云戒之 之拔舌地獄當爲是人

卽緣境而呈人雖不見鬼神有不見耶祇此一念之邪便足爲全體之玷終 雲臥子曰萬惡淫爲首是天律不易之條帝君痛發慈悲宣示大戒須知慾 覺便轉此是起死回生關頭切莫當下錯過 修己之真諦也念頭起處覺走向欲路上去便挽從理路上來一起便覺 身之累此 海 毒於蛇蝎 無非苦海迷城卽是愁城多情實多患之媒喪德乃喪身之具油 虎狼月下花前危於刀山劍樹煽其虐直可傾城傾國 心地所以不可不淨也詩三百一言以蔽之曰思無邪思無邪者 何止 頭 敗節 粉 面

念科

格

言

施愚 然男子何苦被花箭而送入黃泉偉矣英流曷爲舍鵬程而投諸火宅衆苦 成地 靈劍斬斷魔精急捧慧珠照見塵網庶資藥石之一助云 誇情種至情以忠孝廉節立之坊休詡風流亂風實陰譴明刑所不赦好仗 本障礙本殺害本一 奧腐蛆攢蟲嚙借觀早已心灰即看睡起朦朧垢膩腌臢滿眼何 祿壽子孫一念違心何以對天地聖賢父母平生防微杜漸方許完璞全真 美食之中以為不見不聞詎信指視卽在隱徼之地須臾失足胡不 際名染其汚便是欺神欺天行將削祿奪算謂是如花 旦悔 山曰余嘗書誡子弟曰淫之作孽甚矣哉淫寡婦及處子者罪與殺人 獄 禍 蜉蝣幻化佳冶只帶血骷髏魂魄蕩搖粉黛實有形妖孽試 知非猶冀蕩瑕滌垢悟開色障正氣即等天堂墮入迷津舉步皆 告累及終身人禽關生死關通塞關百年爭此一 如玉豈知鴆毒暗

非形

穢岸

息漫

思皮囊

等今舉世習不爲怪者則挾妓奸婢二事可爲心痛夫呢狎邪者謂風流雅

女娼矣予在京師聞一孝廉狎張氏妓生子妓知爲孝廉種也人皆笑目爲 事既酬以金淫不爲害且無論破家損德能保妓不孕乎孕而產則己之子

豈不傷哉又况淫爲禍首發將無已或主人狎比狡童多致閫範內亂吾願 色故乃使祖父相承之血胤自我而亂或淪爲娼降爲奴僕晏然不自知 詰嗟乎今有人於此罵其子女爲娼優臧獲者必怫然怒攘臂而起矣以淫 也己之子姪復亂之是兄弟姊妹相姦也聚麀宣淫廉恥一喪後遂不可窮 使其男事我之子是兄弟相主僕也萬一生女有色已復亂之是父姦其女 投充不得身價既役其身叉亂其妻女作何消受及亂而生子則淪主爲僕 人薦枕席以分固應爾試思此輩皆良民或以貧鬻身得金無幾或因宦勢 龜兒孝廉羞不肯認悔恨無及是父子相失也至臧獲婦女多被浚逼與主 後人之刻骨誓肌共圖湔濯也

也

营

必以

格

緣 揣作多情之勾引或賄不足而以才誘或直不遂而以巧謀繾綣則託 堪嗟甚至敗露觸凶而七尺之軀傾刻作刀頭之鬼奈世之溺 削祿減年一世之榮華盡喪大則虧體辱親鄉里共憤 限粉白黛綠轉眼卽空而惡因日積顯則傾家蕩產平生之名利皆虛 自號 淫爲萬惡首也然而庸夫俗子顯蹈明行罔知顧忌至學士誦習聖賢竟爾 世蓋穢德必彰惡聲易播上而殺其父母矣中而殺其夫矣下而殺其子女 何傷嗟乎天下受何傷之毒者豈少哉夫殺人者殺其一身淫 選逅便神為天合機關不止干般流毒直兼數世不思月下花間 、恥懸眉額之間痛徹心骨之內無異挾白刃而刳三世之腹而 風流侈談情種嬌豔何心顧盼輒視爲有意之凝眸深閨不 萌善心既微惡業遂起此森羅鐵榜 小則辱 於此 身賤 人者殺其三 猶謂 無笑言便 者動日 行流落 爲 於夙 陰 何

則

吾誰欺欺天乎况昔人親見陰律云姦人妻者得妻妾淫佚報姦人室女者

骨肉胞 若婢 不可 優童 陰圖夫婦之好彼既見鄙於衆人我亦不齒於正士且若輩 此與尋常淫 傷 齒誼淫其 風敗俗所不忍言义有假隨喜之行踪誘空門之豔質敢汚佛 得 生或 絕 硴 餌 知 女僕 嗣 何 悍僕反唇而 後僕 者 胎淪 而 報 幼者何 入其中極聰明人亦被迷惑況遇屍癆之婦瘡毒之妓性 淪 試觀好淫之家不報於妻妾即報於女媳醜聲籍 他 婦尤易行姦不知家政不肅家道不和大都 |惡定加三等更有別種狂癡漁獵男色往往 汚若此· 如寄 心 爲賤媵後人無知誤行褻狎名爲主僕之分陰有兄弟 因 一然亂 異於吾子吾孫淫其稍長者何異於吾姪吾弟父事 興青樓自謂于德無 少知禮 叛主或父子不 內外不分我既引 養者當必汗流浹背翻然愧悔矣等而 知而聚麀或兄弟交迷 損不 水入 知 淫 牆彼 娼賤質 必乘 曲 外借朋 百 風 此 惟慕 縱 籍汚 種 而 或 火其 淵 地 薦寢 妬 存 少年 致 妻 人 友之名而 **女鞭撻以** 、壞清修 、聴聞 間 之戚傷 甚 無 下 之狎 兄事 者以 頓忘 非 蓋 陷 有

格

四 四

熟為

喚醒

惟在

人淫

著能

當境之初動念之始亟思降服能惕然思曰淫人妻女妻女亦被 形體奧爛生子卒皆不育嗟何及哉顧巫雲楚雨幻夢方酣

中最易失足半生淪墮顧影慚惶求其守正不染者其能有幾終日戒不淫 功倍人又何苦以俄頃之歡娛博終身之荼毒甘蹈下愚若此哉第風月場 魁致顯位享富壽福子孫較之半世黃卷青燈與他途積德累仁者遂 不疑觸境猛省自能瞥地迴光歷觀古之賢達片刻操持于已何損 其 飲鴆酒忍之說也蝮蛇螫手壯士斷腕毒矢蓍身英雄刮骨狠忍之說 得 力則又在平日父兄師友訓迪漸染之功務使胸中於禮法因果

而

確

也要

事

光落面妖態攢心有慧劍一焉曰忍而已矣狠忍而已矣飢不食虎餐渴

視人之妻如己妻之惡人犯視人之女如己女之惡人汚此爲上

也

其

次眼

徑心特熾逢人言寡慾慾種更滋慾情莫返自取貫盈誠始迷而

終悟即災

去而福隨上蔡先生云天道禍淫不加悔罪之人斯言信矣然又不但淫行

動心失性則人人之孽皆其孽矣普望自覺之餘更思覺世吐舌上之青蓮 奇小說多屬子虛雖意取譏時理含警世而上智難見中下爲多披覽之餘 為甚況復含沙噀血玷清白之芳名吠影捕風肆譏評而無忌者乎若夫傳 失殃累無窮使其生死含羞死猶遺臭先人蒙垢孫予懷慚上干天怒莫此 唱百和每因言者津津遂致聽者躍躍夫姦惡陰私實係終身名節一言偶 當戒已也每見讀書才士與一切伶俐俊少談及淫汚私情必多方揣摩一 避迂腐輾轉勸導必能使聽者大發深省於以迴蛾眉伐性之狂瀾施錦陣 揮案頭之彩筆表章感應救拔淫迷或廣坐危言或密室苦口毋畏揶揄 回頭之良藥豈非所謂愛人以德自求多福者哉 戒淫歌 毋

萬惡淫爲首死路不可走天配男女緣淫孽可造否他女貌雖華良

心量可

負譬如己女妻肯為他人有姦淫揚醜名一口傳衆口公婆丈夫子心頭如

四五

格

偏獨厚苦口說與君斷根絕情誘淫言是病狂淫書是毒酒尤勸善信人廣 **乃剖陽律已難逃陰譴還須受名節一生寶何忍同破缶每見犯此者禍殃** 爲世人牖

恶積 有先夫季誠弱息不以義交是爲惑溺公卿宣淫兄弟爭室烝報姘通罪大 附遠厚別逸則忘善愆則有辟送目冶容授情國色惟厲之階惟家之索嫠 物晦時生蠱日入作慝夭年喪志非鬼非食人生實難受之以節清心窒慾 之妹終喪羊舌嗚呼今人宜鑒斯轍天有六氣降生六疾亂自女戎女爲陽 至族赤私于庚宗叔孫不食淫于魯宮邾顏伏鑕申池之禍賊由閻職子貉 **貪色爲淫淫爲大罰見色而說謂之曰逆慶封易內負之斧鉞巫臣竊妻罪** 感應篇註摘錄 生不若死死有餘責嗚呼上天天威咫尺福仁禍淫不爽杪忽遠則子

孫近在目睫徑而無罰未聞其說

貞淫功過

格

卷十 完一婢女節百功 俱一次萬功寡婦尼僧俱一次萬五 染境不染娼女一次五百功良婦服外姻親俱一次千功 部二百 勿淫蕩俱一次一功見從五十功 功終身不使人知 晝夜不起淫念一 次五 11 逐一淫人五 私一 功小百卷五 功燒淫書淫畫一 功刊送同 格 女子未遂 功 日一功 十功單張百 再加二百功 善書已刻百錢一 一次十過 遇人談淫褻正言止之一次一功者能動不動的 拒一私奔婦女善爲卻之三百功 部五十功毀一部淫書板百功 見美色不留盼行避婦女俱 制者免 張十 終身不二色干功 功募刻減半印散大一 干功營不在此論曲全一婦女節三百 功傳大豪傑大貴 居家能節慾五日一功勸 窺人婦女一次 八干功 不履邪地 四七 過 能使感悟加二百 次一 卷二十 造述 處女服內 見美色動 人節慾免疾 戒 一次一功 人絕 功 淫 功 私路 rþ 姻親 當可 書 功

四八

格

行不避婦女俱

次五過

誘人邪淫宿娼一

人五百過不成五十過良

成

百過

服外姻親俱一人千過不成五十過處女服內姻親俱一人萬過不

次十過蓄戲妓俊僕在家致啓淫風俱一事千過

與人戲評女色一次十

過代人致邪柬一次五

十過

人欲私婦人告以計一次百過

居家淫褻

非時一次五過祖父忌日不戒一次三過,造淫書淫畫流傳一件干過蓄

作淫詩一首百過出淫詞一言十過演淫戲倡者一

次百過看者五過製淫方一

次百過

格以禮制心絕去慾根爲上夫婦亦貴有節以卑犯尊以長亂幼罪大

者一卷百過賣者同

過

謀佔人妻女無量過

常交淫友一次十過

三姑六婆出入不禁

百過

誘姦一幼女萬過

淫一婢女二千過淫一

僕妻乳婦俱五百過狎

比狡童一次四千過

因邪淫害人性命離人夫婦俱無量過因淫墮胎千

寡婦尼僧俱一人萬五千過不成百過犯者同

於一端一非誘自犯各條

加五

精通三十而足過四十而漸枯此時縱不能 惡極永入阿鼻不在此例 藥之方但圖媚內適足戕身惑採戰之說欲慕長生反致速死人至老 切財物更省嗇不肯用獨自身之至寶反聽其日就消亡脂欲竭而 元關以養真炁譬諸一珍秘之物我之所存無多費一 之人贵惟無飢 世之飢不得食寒不得衣流離道路終身無室家之樂者何可勝數 斤膏將枯而益燎以火欲其長久也得乎祈長年者勿蹈 人之有精液也如樹之有脂燈之有膏也息之則滋耗之則竭男子十六而 富人 淫色六戒 老年 且肥甘足於口豈惟無寒且輕煖足於體華堂峻宇妾媵滿

斷絕女色獨宿空牀亦須謹守

點更少一點

也

水春

此 轍

而

富

厚

更縱之

年

格

言

前所欲靡有不遂天之厚我不越他人萬萬哉卽使日日行善尙不足以報

四九

格

天之德顧乃飽煖之餘惟思淫慾旣獲家雞叉鍾情於野鶩乍添雛婢

拋書卷而游狹斜負篋而來金榜何能發迹舍居奇而尋花柳空囊而 金半入纏頭甚 懷風月而不知害德損財莫此為甚蓋人之離鄉去井者不外名利兩 謂是家運顚倒不知正彼蒼現在之孽報彼自欲財之立涸故財欲少留而 夫人安居家室則燈前笑語不難謹守糟糠作客他鄉覺孤枕凄凉未免逞 不得已然則保富之道奈何日爲善戒淫者不爲善而爲善者也 數年惡貫滿盈獄訟破之火災消之死喪耗之盜賊奪之而性命亦隨之人 志於龍陽遇善事則分毫莫破爲邪緣則千百一揮通宵燕樂白晝宣淫不 旅客 至結意外之邪緣種他時之孽報宜乎破帽敝衣難 見故郷 返黄 途乃

地也

之面沿門托鉢永為不齒之徒戒之戒之毋以居鄉謹守之身而敗檢於異

官官

迷戀則其子弟乘權誘脅遂有不可問者閥閱 糠嫌貌陋不妨異地相拋燕趙多佳人立可輦金而至沈溺於溫柔鄕骯髒 種福然成名之後每易敗名則皆色之一字誤之也一朝得志困苦全忘糟 斯世貴顯之人非祖父厚澤之所貽卽自身積德之所致但享福之時义須 於脂粉隊訓方型俗之身顧如是耶許主報國之身又如是耶且已身旣多 之師男戕其身女破其節則白雪加霜紅爐添炭矣吾今代干萬年後之窮 母子流離此時所恃稍開生路不至遽塡溝壑者惟在將帥耳 紛紛士女皆天地之蒼生君王之赤子也不幸當兵戈擾攘之日夫婦分散 **露醜尤爲損德之事亦不可不戒** 之醜矣至於拘攣罪人逮及妻孥假審問之名作窺觀之計使婦女必出乖 方新簪纓遽替誰生厲階言 遇無 紀 律

言

£

民拜 **轉**千萬年後之將士無屠城郭無刦鄕村無焚廬舍無掠婦女爲天地 五二

蒼生計爲君王赤子計卽爲後世子孫計仁暴異用福報正自

無量

安禁爾 爾輩 用爾 皆爲淫蕩 樸之人何必無通達事務計深慮遠之人今試 所在皆有勸之以修德而彼不知戒之以冥報而彼不懼然此 **今豪家之僕倚勢仗威玷淫婦女幾於無惡不作卽平等人家婢僕相好亦** 僕隸 中儘有忠信謹厚之人起家發業者田 他家亦必不敢用爾行見衣服藍縷流入乞丐二可畏爾旣 妻不從人逃竄以償爾孽債三可危何 無 恥之女人騙去是無以顧家口也一可憂事或昭彰家主斷 園日增妻孥聚首老年享 如安爾誠樸守爾職 與爾言其利害爾辛苦覓財 中何 在外作惡 分試 必 用何 無

如 之何 必走入淫邪 一路為他日受罪地者言念及此或亦顧目前之利

看

害而

此風

A 少 戢 夫

覽此等書必非正人佳士南海一縣令好看肉蒲團手鈔小本日玩之不意 收藏小說四害 一站品行

亂入詳册上司怒其無行參革而死

二敗閨門

凡好藏淫書好唱彈詞之家婦女率多醜聲其秉性幽貞者或以瘵疾死下

此不忍言矣可勝痛哉

藏此書者子弟必然偷看其佳者以此早知覺早破身或以疾死卽轉而自 金璞玉早年玷玦皆乃父巾箱中密藏物所害也若中下者必好此破家矣 悔而元氣一散必不能成大器世間儘有佳子弟秀出一 四多惡疾 三害子弟

時迄無成就由

浦

格

营

五三

五四

格

人曰我幼時喜小說風痰入腎不久矣未幾死看淫書之害如此嗚呼真可 好此種書必多殀壽多異疾杭州朱司馬人極豐偉年甫五十卽乞歸謂家

グ燬淫書十法

爲痛哭者也

奉勸館閣名公諫垣侍史疏陳其害請

旨申明禁於天下永遠杜絕著爲

許收藏淫板禁畫師毋許描繪春宮禁奸徒毋許售賣春樂禁書賈毋許發 奉勸各直省守土官長下車伊始卽嚴行禁止翻刻淫書者必究禁人家毋 此等書禁此等書焚此等書者必受上賞得世代替繼永事天宮富貴報 出無數姦情命案毒流天下著此等書售此等書蓄此等書者當服上刑 令此斬草除根法也淫書陷溺人心大傷風化顯與聖法相違以致每年添 絕

風化者必投諸火朋友有犯戒者務須苦口良言婉轉勸止賴當樂顯者得平步青風化者必投諸火朋友有犯戒者務須苦口良言婉轉勸止舜當樂顯者得慶識子孫 奉勸膠庠吉士不談閨閫不製豔曲嚴戒生徒毋許購藏淫書凡筆墨有傷 酌置典刑無稍姑息得生集百福死列仙班報 允淫書禁匪流毋許製造淫具禁鈔胥毋許傳播春方編造淫籍有不遵者

奉勸寒素人家無力買燒淫書及板亦當手鈔燒燬淫書果報各處分送偷 不幸業此務須出資勸其改業買其所藏之書盡付丙丁得子孫簽達福壽編長報 奉勸富家大族廣收淫籍隨買隨焚有鉅力者盡劈其板力稍遜者多燬其 書每一舉步一出外時必買歸而焚化焉 第四 第五 法 法 日積月累功德無涯倘貧窘親友

格

音

暇鈔寫儘可逢人勸戒以口代書隨緣指點功亦不小得衣食充務的名類著報

格

奉勸手民訂立行規凡遇淫穢册籍槪不受鐫有私刻者公同議罰如此則 淫書不絕而自絕陰功浩大更不待言得子孫聰書昌大門閣報 第六法 第七法

奉勸各省書坊概不發兌淫書免使天下識字之人同趨孽海屬報同上 奉勸醫家不傳春方力辨其誣免使淫徒矯揉造作枉送性命舜雖世不生學 奉勸畫家不畫春宮免使天下不識字之人共沈孽海福朝上 第九法 第八法

奉勸賓僚宴會勿點淫戲免使年少士女蕩心失魂變生倉猝且免暗中斲

喪癆瘵夭亡庶共躋仁壽云得清自傳家康強無病報

端本防微

清明外誘莫能搖奪矣男大須婚女大須嫁若久阻因緣則怨女曠夫彼此 舉止端方若與匪類相交則矢口絕無禮義之言浪游悉是輕佻之行因此 對便是良緣稱家有無及時完聚庶遏邪思於未萌也人能親近正士自然 空生眷戀閑花野草邂逅豈得無情非女節暗虧卽男淫顯犯豈知門楣相 真精 木有根則樂根絕則枯魚有水則活水涸則死燈有膏則明膏盡則滅人有 自 動容周旋弗踰禮度凡人世穢汚褻嫚之事不入其光明正大之懷則 人之犯淫邪皆由心術不正故欲除淫恶先滌 ·無把握姦人乘機勾引急宜屏絕勿與往來更親直諒以求忠 保元護 則 壽精竭則夭醫家明堂圖載腎兪爲藏精穴與心包絡相係上透泥 邪心使舉心萌念若對 志氣 神

格

五七

五八

、體贏

弱飲

難

痊

格

魚魚之涸

其

水

身郎

家人

不

及

後

建

下元

肅清閨閣

門嚴肅幷常將保惜名節教訓女兒庶邪淫之竇亦少塞矣尤在男子不狎 書不置案頭一以古今節烈之事演述化導令所見所聞皆有規矩此又端 變童不私僕婦使床第之間情好無問且平日言語舉止毫無褻慢淫豔之 游山參僧禮道而起爲夫若父者宜嚴行禁絕爲若母者正己爲率務令閨 六婆乳媼侍兒所誘或孌童俊僕出入內室及男女親戚往來歇宿幷入寺 律婦人犯淫永墮畜生道其可爲失身無恥之事乎而婦人淫邪每由三姑 何顏對夫其已嫁者萬勿爲人誘騙倘遇狂且卽當下峻拒自不敢再犯陰 行上辱父母下辱其夫卽算不得人類而且醜聲遠播汚人聽聞于歸 本澄源之道也 娇 防閑子弟 人淫孽終身不可湔浣故爲處女者守身如玉容不得半點瑕疵稍 ンタ 有敗

孔子云少之時戒之在色誠重之也抑畏之也蓋人之方少猶草木之有萌

六十

與邪淫之禍也 論美惡老少概不許親近調笑然年至十六七時卽爲完姻庶免神馳之病 心最為害事當稽察其背後借看搜出卽投之於火居常女婢僕婦奶子不 子弟已識字後卽禁淫書小說此種本屬子虛鳥有少年誤認爲真眩目蕩 悚然自愛以保養身命少年能於此色慾一關把得牢截得斷他年元神不 當藏蟄之會而忽發其扃鑰未有不僵仆者聖人提醒少年使其力制色心 地所不容其慘報比尋常淫孽更加百倍尤在少年所當猛省深戒也人家 虧真人品真學問皆由於此卽使不成大器亦得以盡其天年不至死於非 芽百蟲之在藏蟄也草木當發生之日而逆折其萌芽未有不摧折者百蟲 命更在一本九族如有烝淫穢事此爲良心喪盡禽獸不如人神所共怒天

古禮男子三十而娶女子二十而嫁越王勾踐令民二十而娶十七而嫁司

操為 馬溫 辱卽是賢女而必强其鐵石爲心不尼不俗禁錮半生焉有是理乎況導淫 狎妓嬖童無所不至女子猶是人耳及時婚配幸不致有閨門醜行爲父母 不言耳夫女子情慾雖未必過於男子亦當與男子相似男子既有妻妾者 年十四以上卽許嫁男女一也何以女之婚期更早於男良以女子立身節 之由今日最多如唱彈淫詞之類凡屬閨門無不醉心摽梅女子耽玩此等 有年三十以上不嫁者芳淑之年寂守空閨豈不默向暗中飲泣彼特含羞 之不虧節操也吾見近來貧家女子父母漠不關心有年二十以上不嫁者 所誘父母逼使自縊 邪念現今名門女子及笄不婚有成幽憂之疾而殀亡者矣有爲狂且 重節操一失人人賤棄莫可挽回故早其嫁期所以急遂其情慾而 公謂今日風氣浮薄婚期不得拘古禮男子年十六以上卽許娶女子 者矣一到此時悔何及哉爲父母者愼勿置之度外也

使

格

盼

格

夫婦 語有云不見可欲使心不亂此之謂也當聞明道伊川同 之有何苛條至此不知吾人惟此 日座 有妓明道談笑如故伊川竟夕不飲酒隔日猶艴然 如顏子聖人尚教之以非禮勿視非禮勿聽則知何 君自返身當其境能如魯男子乎此言深可儆省今人妄謂玩花賞月何 中 褲 正也亦要有節切不 法及明道是說誠然然吾人寧學伊川不可妄擬 制 -有妓我 語兪公都曰邪淫雖無實迹君見美女子熟視之但無邪緣相凑 JE 臽. 心中卻無妓今日眼 死方始悔從前 可恣慾無度枉送性 | 念頭最難淸淨惟聖人可聽其自然大賢 前 無妓汝 命到 心 中 得精竭神消 卻 介懷明道笑謂之曰 人不宜用防閑之力古 前有妓後 明道 赴 友人 人咸 百 席座 謂 病 伊川

昨

中

妨

耳

雖有神

仙

断難起

之過度鳴

呼晚矣更在新婚尤宜

謹

愼

把

知暫時雖

持倘自謂少年力旺正好高興加以如兄如弟儘可樂此不疲不

內典所謂非法之淫未娶而戕其本根十三四歲時嗜欲初開最易犯此 短命之父深可痛懼嗟乎與其圖快活於數載何如圖快活於終身乎更有 人與物一也三五年後身體衰弱多成癆症病得皮零骨脫磨 能 特錄 正月初 庚申論日古人多盡天數令人不盡天年祇因肆情縱然有犯禁忌故也 明白提醒毋使誤入迷魂陣也 喪元氣短命而死者不可勝數切宜戒之在子弟或陷於不知爲父兄者須 回思從前恩愛至此成空遂使父母哭短命之子嬌妻哭短命之夫幼兒哭 勉强特血已暗消而不覺矣如茂盛之樹日尋斧斤暫雖不枯久之必死 行房戒忌 出情命之士當謹守之 若犯色點削祿奪紀玉帝校世人神器祿命 十五晦犯者減蠢 初二二萬种都含 十八在陰犯者惡病人 初七針 一月初一紀毎月如 初九至皇 得七死八活 十四 釧

言

六

初六考察 朝太 元陰 十八 月初 廿五 五 宜數 戒日 B 月 壽犯之海 | 三之月 東至陰陽相爭死生分判之時冬至陰陽 初 廿五 十五紀每月如此 道藏 十二月初 十五下界 廿八 格 初七五帝校生 初十四者暴亡 丙丁日鄉 (二) 元 嘉五年 廿八 言 初五五章数生 四月初一 十八 三十 十八 初七聚族 四始二分二至社日和受胎毛墨皆自 初十時毒 十五 庚申甲子父母本命誕日忌日 翻之城 考諸 校神 除夕養療 初六 初四 三月初 校水 籍府 十八 九月初

1 萬神善化

初八組者血死

五

廿五

初三帝聖託

初

九

六四

初七

十五

十七

廿五

十六

初八

初旬戊日經

十五奏二十

廿四

分之母有災

殺犯

氣者

浸生盛子

陽五

氣官

日四

衰肢

前不

後全

一伏日

弦日

白晝星月

廿五

十八

十一

月初

十五

廿五.

十五

廿五

十八

十月初

十五校籍

廿五

十八

八月初一

十五

六月初一

十五

廿五

廿八

七

平日天良一綫或猶畏鬼畏神至此則公然心雄胆潑矣甚而 才人已儼然筆之於書昭布天下則閨房醜行未嘗不爲文士才人之所許 市蜃樓寓言幻影其如天下高明特達者少隨俗波靡者多彼見當時文士 者魂搖色奪毁性易心其意不過網取繩頭微利耳 今世文字之禍百怪俱興往往倡淫穢之詞撰造小 元犯 神之 傷 成作 蓄縮 未定見此等詞說必致鑿破混沌抛捨驅命又或鰥夫孀婦本矢守義終 戒 塚墓尸柩之旁观空器 下燈光下湖幕 胎前鄉 :淫詞 不洩 交罷勿卽揮扇 格 言 竹席心恐感寒氣 產後百日內犯 烈風 整好20元 犯 必 必 病 所 雷 口下產悪胎 薄衾氣及果 天癸來時如是與 酷暑嚴寒寒為得 遠行石里行房者死 **牕隙有風宜避** 病後變症 在有識者固 説以爲 廟寺之中井竈 醉後齊幾反覆 風流佳話 夕勿兩 幼男童女血 夜深就枕宜 明知 爲 使觀 度勿 空腹 坑廁

海

語爲殃虛言折福誤人卽以誤己吾實爲作者危之惜之若夫開設書林以

取利

耳試

左矣果能毅然棄此等書概不發刻並不收兌則功德旣無量福報决不爽

思何書不可獲利而必藉此壞人心敗風俗之書以寬繩

頭計

亦

也

禁演淫戲

倫犯義之事而況乎宣淫以導之試思此時觀者其心皆作何狀不獨少年

昔人使婦人裸逐何異曾不思男女之欲如水浸淫卽

日事防閑猶

時有瀆

與

聚父子兄弟並韓其婦人而觀之見其淫謔褻穢備諸醜態恬不知愧此

意近時所撰院本多是男女私娱事深可痛恨而世人又往往於家庭搬演

所演傳奇有邪正之分有志世道者正宜從此立教不可視為戲劇漫不

加

中

演戲一項似乎亦在無益之列然而里社敬神昇平盡樂亦不可廢但其

身覩此徑豔之詞致改淸操小則滅身大則滅家嗚呼誰實使之然耶況綺

爾犯之日後追念前非未嘗不痛恨欲泣也但旣撒卻邪緣尤須力行善事 方既懺悔便乃回頭是岸此蓋是少年血氣未定一時不能按制情欲 淫邪之事能終身不犯問是完人而一時失足不許之悔罪自新非君子與 餘還爾功名依舊巍科高掇古之人有猛然改悔而終獲福報者不 與導淫者等而其罪尤較身淫者倍 禽門可不深戒此則非惟無益而且大有害者也更有描塵淫 人為善之道也夫吾儒有改過之法能改過何損日月光明佛門有懺悔之 新圖遂使觀者色奪魂搖男興懷於贈芍神迷意亂女致慨於標梅 不檢之人情意 怙過不改 [我已犯淫雖為善亦無益然則不為善而為惡反有益乎若曰以爾所 積而 日多始之但抵消宿孽繼之卽廣種福田償他 飛蕩卽生乎 禮義自閉到此亦覺津津以動稍 一祿籍仍然衣食有 畫以 不自 可勝數 為雲雨 制便 放偶 Ã

格

如此分明就我所見報應未必不爽然則有報應當戒淫無報應當

犯淫乎此不待言而决矣言禍福如此分明就我所見報應

西廂等書人以爲文才絕世風流蘊藉未甚淫褻無大害也那知他文筆太 論西廂

歌滿紙淫詞穢語自非中人以下者鮮不憎而 巧之文心寫至徼至渺之春思祇須淡淡寫來曲曲引進目數行下便 妙竟害了天下多少文人蓋其書處處以癡情幻景勾引淫媒非比郷 戀遊思相擾情與頓濃如飮醇醪不覺自醉心神動蕩機械漸生習慣 棄之惟西廂等記以極 里山 自然

等記乃所以引誘聰俊之人是淫書之尤者也安可不煅 紅樓夢一書人共珍之初不斥爲淫書也然其叙兒女玩狎之情婉變萬狀 論 紅 樓夢

情不自禁馴謹者暗中勁喪放蕩者另覓邪緣其味愈甘其毒

愈盛則

西廂

長邪妄之念日消如盆魚之養於清水勝於穢濁相混也陸稼書先生云人 或 能動止而惟善書足以懲戒之點醒之昔宋文獻公常錄古人賢孝節義事 何為恶業始而懼生繼 矣莫若坐對一編使耳目常有管束尤莫若玩索先正格言如何為善業如 見聞聞安得皆善事一有繫念無見而有見無聞而有聞是牽牛以蹊其 善慶錄序曰人心皆善根也率爲六塵所汨六塵之中耳目尤難 微者信不可不燬其板而絕其 之事或由是釀成此皆紅樓一夢誤之也世有自愛其子女而於此 爲浹洽陰以鏡其色逗其情習熟之下弊不勝言深宮周門之中私 最易啓人淫心蓋良家男女相慕相悅其形迹每多未便於是借端生 有謂 讀善書說 其迁者公謝日某錄此雖空言無補但要常在目前則正大之念日 一而覺生故人苟淫心煽惑雖嚴父不及防閑賢妻莫 書 制 奔密約 杜 終 一徑佯 日見 漸防 1

六九

七十

心如田 植良苗則 成嘉禾植稂莠則成惡種嘉言善行人心之良苗也常加

格

浸灌 親 īE 心自正矣 人說

五倫之中朋友為最要善相勸過相規砥礪切磋古聖首重益友人能親近

禮義之言浪遊悉是輕佻之行出人於戲場酒肆往來於柳巷花街年少之 正士自然德業日進行止端方邪僻無自而入若交蕩佚之輩則矢口 人立脚未定鮮有不卽於滔淫誤其終身者凡家中啓塾與負笈外從同窗 絕無

態自此而習是以未雕未琢之良璞送入殺場也曾子曰與君子遊如入芝 之友尤不可混薰蕕不分浸染最易從來未聞之穢語自此而聞未習之惡

蘭之室久而不聞香則與俱化交與小人遊如入鮑魚之肆久而不聞奧亦

與俱化矣人能親直諒而遠便僻豈非戒淫之妙法哉

先哲云教子弟如養閨女極要嚴出入謹交遊一近非人是清淨田中下

不 淨 種子便終身難植嘉禾矣弱冠以前父母嚴之成人以後自己愼之

夫淫 **壊門風** 汎濫 禮別 工傭 世上 正 家 夫常見大姨 每見各處鄉俗多可笑事如童僕 小中女眷 别 (人出入不禁表兄弟與表姊妹長成不避叔嫂姪嬸 與水似消不 一淫風皆因防閑不 嫌疑所以防淫也古人同胞兄妹至七歲必異席而食况 並 嫌 而 殊可 疑說 無極 肩 雜坐恬不知恥老者如是少者卽從而 矣其 《小姨諸: 恥也 切相 ·提防則流縊矣既已流縊則 見而 嫌疑二字本所以自制卽 法莫善於別 凡城族 密內外不分男女混雜不嫌不疑以 近 時 女子 隣 嫌疑知 里相 亦以徑見男客爲大方並以 出 入 與往來動引入內又有託 有嫌疑 內房婢女乳 所以 則 必盈科而 制 效之不嫌不 規 母抱 矩 人家庭之間 秩 孩子 行因 時 然 刻 致 人 疑何 其他的 釀或 相聚 閒 出外 自不 此 爲 談 及 此 通 至於 賭錢 遊 耶 得 彼 醜 家 姊 爲 夫 | 要作 鎖 竊 漸 事 好 而 鑰 此 友 妹 犯 至 敗 見

七

格

言

長女及嫠婦防範尤宜 **淫朋狎友遠之子弟時時戒之至若婦女入廟燒香舟車遊覽觀燈看戲踏** 也防閑檢點細察情形邪人屏之俊僕逐之使婢大者嫁之三姑六婆絕之 醉時婚喪設祭時家主出門時或生辰令節月夕花辰時諸如此類皆弊竇 為斷 月賞花尤宜諄諄切戒人年五十有子六十有孫切勿置豔粧姬妾若家有 也所以人家規矩當極嚴門戶當極愼內外要分別早晚要留 矣以爲至卑至賤斷不敢焉而誰知竟敢矣嗚呼皆由不嫌不疑以 至親至戚斷不忍焉而誰知竟忍矣以爲至好至厚斷不 大抵男與女旣經相見始必彬彬漸而熟習旣熟習必有長談有長談 無 有笑語必有機趣便成勾引而事遂不可知矣蓋人總因自己痴 此事 而 誰知竟有此事矣以爲斷然不妨而 加謹至延師課蒙及管理記室愼勿請 誰知竟有所妨矣以爲 為焉 浮蕩書生與 心忙時病時 而 誰 至 知竟為

此極

愚以

必有

年少親戚凡家中一切男婦務使各有職業各習勤勞嬉笑不聞淫書不藏

而本原所重莫先於自正其心自檢其身齊家之道不外是矣

開人遷善之門如已墜深谷振拔者終得登岸已陷重圍奮勇者 天之於人猶父之於子方其過也疾之甚嚴及其改也又喜其自新人果痛 我已失德甘於自暴自棄亦勿謂更無挽回遂致飮恨終身也然 雖力竭神疲亦不至喪身失命今浮薄少年不幸而犯急宜早加猛省 洗前非力行衆善斷未有不宥而福之者蓋天地不絕人自新之路 悔 心而無遷善之力將終於墮落不能拔濟故第願人不犯於前更 克雷厲風行而光陰迅速日月如流一番墮落復一番振刷 有悔罪之門而故犯淫邪之行無論有心故犯必不能革故鼎新 艱辛邀得上帝回 於後尤願人於生時防死勿到死日求生未曾失足者急須守之以誠或 急改過說 [心而已墓木拱矣更或英華消阻志氣頹 唐雖有悔 受盡折 自勝 即果能 更不 便可 鰰 磨 可恃 勿謂 明亦 歷 回 自

格

七四

格言

無可復釀者矣

不改改而不力或已改而又犯則皆爲真惡重罪怙過凶終天人共棄斯固 猝遇妖孽更須勝之以忍切勿至死而始悔受盡折磨始爲 上着若夫 悔 而

於禽獸是猶放膠舟於風濤也故遇冶容相就欲念將萌要知此卽是人獸 關所爭只在毫髮守則人失則獸明明是我此生積德積功之大捷徑切勿

人心之靈如舟之有舵一捩便轉慾海最易溺人苟不知時時警覺以自別

當前錯過必竭力堅忍以擯絕之稍或游移卽墮落禽獸惡道矣自完其節

以完人之節自全其恥以完人之恥片刻操持利益無盡故天之報施爲獨 常自提撕以出迷津則 至古人有一一捩便轉者趙清獻尚矣其次則騎牆也然已危矣學者誠能 勸 勿唱淫 私欲淨盡不誠可以自渡而渡人哉

嗚呼淫書所在漁利者倚爲利藪陷誘百端害世非淺其以淫色誘人之目

之事 之處即 然模樣遂使聽者春情駘蕩神志 辭苟 皆是嗟夫 去眉來輸 誘青年子弟甚 冥思猝難窮詰 之時叉始於上 劇之地 無大害於人心風俗吾徒尚欲何言而 尤可恨者 無不聽書之人況所費甚細僅只數文無論貧富皆可聽 少說書之地多觀劇之人少聽書之人多何者吳下茶館 誰無子女而樂聞此情乎其勢甚便其害甚深其利 情授意其能漠然不動心者斷無其人而從此 民牧者必嚴行禁示為父師者必隨時訓戒 一份奇 且張揚大衆之前思覓蠅頭微利彼年輕男女逼處一堂眼 乃近 |燈之際斯時卽事務冗忙者亦可翛然往聽矣夫 來風俗日下茶館主人及唱 小說本屬子虛偏被唱說之人豔詞裝飾說出 昏迷當此時也縱無美色當前猶當妄想 小說諸書斷無 書者竟暗邀少艾冶容藉 **瓜庶令此** 洞端 有不 風稍 遊微 百 出 ·傷風 使所作文 無不 也 往日宛 者比 挽不使 其害 m 敗俗 彈 說書

言

七五

甚

比

者莫甚於戲館之演劇其以淫聲誘人之耳者莫甚於茶館

之說書雖

然演

唱

七六

格 言

聽者如是受害耳

之事 之甚者也居顯位有言職者誠能嚴行禁止搜刻板而盡燬之如有私 慕之心種種禍害不可殫述更有春宮淫像亦屬導淫之階此皆流毒人心 反得顯貴團圓將中冓之醜說得毫無足怪 頰者公然載之於書卽就其尤雅者亦無非偷會私期敗名喪節之事 顏光東曰近日文詞小說街坊貨賣者甚衆凡淫穢難堪之語 勸勿留淫書 ,由此喪貞失節玷辱家風萬年難洗至於開小兒未萌之竇啓村夫羨

無知閨

女遂誤認爲佳

人

分子子

後來

藏私

不可形:

於齒

造者重治不貸其有裨於風化豈淺鮮哉, 史搢臣曰每見人家儿案間擺列小說雜劇此最自誤並誤子弟以淫奔無

撼何論無識子弟雖小說中原有寓意因果報應者但因果報應人多略而 恥爲逸韻以私情苟合爲風流雲期雨約摹寫傳神老成練達閱之猶 為

看好德之心不勝其好色之念因而傷風敗俗者有之犯法滅倫者有之

春册就不 册與 恬不 然亦天下 是你點淫戲的適或到人家撞見父子師生聚在桌上看春宮豈 想這淫戲神聖喜看不喜看是敬神呢是慢神臺下人看了有益呢 廟宇演戲本以敬神及至點戲把個敬字全忘了每每好點淫戲請教你 此 渲 勸勿點淫戲 淫詞 知怪了你想想看廟宇神聖生日多有擺供的適或有 雏 點墨不 人看豈非大奇文然亦天下必無 點戲務點以孝節義等戲愼勿再點淫戲褻瀆 格 亟宜 礙了 必無之事也何獨父子師生同 雷 知點汚了 焚棄 你且 想想看嗚呼你不知不 世間多少清白 之事也何獨戲臺 可爲 在戲館裏看檯 覺提筆在朝板背上輕輕 傷心痛哭也謹懇仁人 神明而 七七 上 上演的 對了 人陳. 斷送人家子 神聖演 設 非 活 有損 君子凡 春宮就 大 本春 奇文

就

想

活

點

格 蓸

弟也 戒之望之

引歸 列各種 作之準宜約集同 **淫書一切果報使天下後世撰述** 部應禁問 旋刻室洋驚歎徒喚奈何 然大黃巴豆一 害大聲疾呼洵足發聲振瞶惟收煅淫 **淫豬護曲** 删 於正 改 嵐 小 抽換板片仍可 行 說淫書救俗議 有 海內風行流毒 可 小說除水滸金瓶梅 取者儘可 經泡製卽堪治病 人籌款 通行 用删改之法擬就其中之不 向嘗於無 無 盡近時有右粉山人數燬淫書錄痛言淫書之 所 有添改之處則 百數十種業已全數禁燬外其餘苟 可

必多引造作淫詞

及喜看

可爲訓

者悉爲改定

非

涌

加

何之中擬一

釜底抽

薪之法

欲

羅

書搜羅必難

偏及光利之所

在旋

目易其肺肝使干百年來習傳循誦膾炙人口諸書一旦汰其蕪穢益以新 設局彙集各 加換淫 小說者皆知殷鑒不知放言 種 書 小說或續或增或 一法洵足以濟燬禁之窮標 删 或改 無忌 (仍其) 如 用 著 面 薬

奇更 如治盜然引邪而歸正卽化莠而爲良蕩瑕滌垢之餘卽訓俗型方之

選此 一世道人心千秋大局固非尋常操選家區區 一小補者比也孟子曰經正

書則功同完璧刊板之費無幾而於世教實大有裨益想有 用意增删汰其不可為訓者 說唱本歌詞 古今來著述家無慮數千百萬而傳者不及萬中之一轉不如各種演義 把臂入林也哉 則庶民興斯無邪慝矣關 輾轉翻刻風 行海內人人心中有其故實此等書大可就 心世教力挽狂瀾當必有應運 一而換其足資懲勸者於意義則術等點金於本 而興者安得與之 1 人當默為 其中

小

可也

FI

格

言

七九

果報第四

宋武惠王曹彬爲大將帥師征討有獲婦女者彬悉閉之一室令密衞之事

程彥賓攻遂寧城下之日左右以三處女獻皆有姿色公方醉謂女子曰汝

罷咸訪其親還之無親者備禮嫁之後彬之子孫貴顯不絕

姚三韭本姓下博學善詩文館於懷氏有女常窺之十岸然不顧一

日曬履

果

報

報次年蜀闈第

宋楊希仲新津人微時館成都富家富家有妾自負才色詣館調戲希

仲正

疾而卒諸子皆顯官簪纓不絕

建旄節公日旄節非所望但得死時無病足矣後官至觀察使年九十七

猶吾女安敢相犯因封鎖於一

室及旦訪其父母還之皆泣謝曰願太尉早

色拒之其妻是夕夢一人告日汝夫獨處他鄉不欺暗室當魁多士以彰善

果

溧水湯聘就試省城病劇而逝忽魂自頂出見大士懇求指引大士令謁孔 堅匪 汝宜信心樂善近日人心險薄鬼神何察極嚴往昔功名富貴生來便定近 聖繼謁文昌註名祿籍查某年月日湯買舟詣皋舟人少女美姿善謔意欲 毘 丑成進士 來善惡册籍一月一造無俟後日來生始有果報也論舉卽甦遂領鄉薦辛 就湯湯正色拒之當前程遠大亟令還魂乃告曰因汝見色不淫故來相救 德至厚矣子孫必昌後其子諶曾孫錫皆成進士 |陵錢翁好行善事里有喻姓者爲勢家索逋械緊求假於翁翁如數給與 石 女作書納其中卞得之卽託他事辭歸袁恰杏作詩贊之有一點貞心 春風桃李莫相猜之句卞答書力辨其無此事怡杏緘其書而

危不仁本欲作善而以欲終不智急還之是夕夢神語曰汝陰德隆重當錫

.喻挈妻女踵謝翁妻欲致其女爲翁生子計喻夫妻欣然翁曰乘

人之

事

解

不便相 薦出獲 料果筆 莆田 爾貴子 中忽假 裘俾自擁之燈花燭面國色無雙林不敢正視坐候天稍曙語婦 樓中 室也是夕城中有人招飲酒酣聞家中失火趨歸樓下一 泣 中人亦委命祝融 謝 叩 一林孝廉萬曆會試北上道經吳江 火起一 問姓氏林不答遂揚帆去是科闡 留可令舟人載往彼岸扶至僻處天且明家人當至我自 中林謁師 批云裸形婦狐裘裹秉燭達旦爾 寐夢見關聖大帝升堂高坐庭燎燭天諸神林 明年果生子名天錫十八歲鄉會聯捷 裸體婦從樓窗問躍出 各道其詳時在壓同年吳江少年忽下 矣比明蹤跡得之見身裹客裘疑必失節出歸 墜舟中奇寒戰栗林惻然急解新製狐 時值隆冬日暮泊舟高樓下夜半 與我房官驚起卷已在几上 中林硃卷汚燭油房師 立命取油 婢燬一 拜日墜樓

此去

矣婦

屛置

汚卷至掀

日我

舟

年兄義高若此某遂先歸林守部三月除浙江令過吳江訪之某令妻出謝

母家何

嫗燼

意樓

婦是余

一次日

果

果

松江曹生應試寓中有婦來就曹驚趁往他寓借宿行至中途見燈火喝道 捧裘感泣再 來入古廟中擊鼓升堂曹伏廟前聞殿中唱新科榜名至第六吏稟曰某近 補損人陰德最難修一 曹且驚且喜及揭曉果第六 有短行上帝削去應何人補 歸安茅鹿門弱冠遊學餘姚師事錢應揚錢有美婢慕茅丰姿一夕至書室 語異日詰問始知之後果大魁天下 唐皋少時讀書燈下有女調之將紙窗搯破公補訖題詩云搯破紙窗容易 拜 而返之裘則猶是也而德已動天矣林官至尚書科名奕世 夕有僧過其門見一狀元匾左右懸二燈書所題二 神曰松江曹某不淫寓婦正氣可嘉卽以補之

呼貓鹿門日汝何獨自來呼貓婢笑曰我非呼小貓乃呼大茅耳鹿門正色

日父命我遠出讀書若非禮犯汝他日何以見父又何顏見若主峻拒之婢

慚而退後登嘉靖戊戌榜以文章名世官副使壽九十

後膺顯擢 **晨夕相對月餘不起邪念後得贖歸友拜泣曰達旦之義僅見於君矣一淸** 嘉靖末漳庠生汪一淸遇難被獲見賊執一婦至乃同學友妻也因給 此吾妹請無汚以待贖否則與妹俱碎首若曹何利賊並汪與婦閉一 朱黃靖國爲儀州判官一夕被攝至冥冥官曰儀州有一美事 治慎勿以此汚我且自汚也其妻慚感而退澄是夕夢一神引至公署主者 賣殆盡願以我身酬藥資澄正色却曰娘子胡爲及此但安心勿憂當爲療 何澄以醫著名同郡孫子久病不愈邀澄治之其妻密語澄曰良人病 之從志力拒上帝勅從志延壽三紀子孫三世登科靖國旣還述與從志從 東取簿示之乃醫士聶從志某年某月某日在華亭某宅行醫其妻某氏奔 東宮得疾詔澄一 曰汝行醫有功且不於艱急中亂人婦女奉上帝刺賜汝一官錢五萬未幾 果 報 服而愈賜官錢悉如所夢 八五 卿知之乎命 室 賊日 久典

宋理宗時閩中將樂縣張文啟因寇亂與周某入山避之崎嶇至一穴有 第 志 駁曰此事並未嘗與妻子言不意已書陰籍其後從志果壽考子孫皆登 報

陰德呈薦中第七十一名而王生適與同房進謁時王生在座師言生獲 杭學庠生柳某因探親遇雨投宿荒園內先有一少婦躱雨生竟夕無異志 **壻後生二子皆登第** 而出之後生鄕試其文已置廢卷頃忽仍在棹上考官驚異因想此 在簷外拱立至曉而去其婦乃庠生王某妻也婦感生德以語其夫 寇退遂同村老至穴中問其里居令送歸其父富而無子感張之德强納爲 無禮旣而長夜相並蘇澤微聞周欲亂者屢矣張力止之及旦 美女先在馬見男子至倉皇欲去張曰去必逢寇天地神祇隨在昭 挽周以出適 生必有 入夫反疑 布 孰敢

[且詰其故生念別無他事因舉避雨事對王生感歎歸迎其妻完聚且

中

以其妹為柳續紋按今京被雜期有御碑亭一輛即此事也

秉燭獨· 問從何來婦哂曰君讀書人豈不憶踰東家牆乎生果梯而 夢張仙與 至兵部 矣义自忖曰天終不 可瞒天不可瞒途下婦又趨於故處婉挑生復情動重梯 嘉靖間某生東隣一 山陰兪義昭公諱宣陛會稽庠生年四十外無子一日至九嶺收租獨宿樓 勸觴而出避之妻有麗色晞絕裾而走卒白其誤免其戍後由 徐晞初爲兵房有戍絕勾丁而誤及之者其人祈脫貧無可餽具酒 上有鄰婦素不端夜就公公連日請 一、坐忽聞耳畔言曰狀元乃騎牆人也及榜發進謁始悉前 倘 書 彈子遂生繡升公 可瞞急下局門而 婦甚豔屢屢流盼一日乘夫他往穴牆招生生亦 回請回婦 出次年會試北下典試者進場之夕 愈逼公厲色拒之乃退是夕 而 上忽轉念曰人 上己騎牆 佐貳起家仕 食令妻 欲過 小 動

果

報

冒起宗自幼虔誦感應篇會試下第歸發願將感應篇增註

以待 爾詠一 之宿其姑與婦議令件宿以報恩婦唯唯夜就之曰君生妾夫此姑意 餘干陳生善醫有資· 頭見類書中榜花二字註云唐禮部放榜姓僻者號榜 花一 尤甚故於見他色美一條備列報應佐之寫者南昌羅憲嶽也辛酉 良久羅竊聽之乃冒君見他色美全註也讀畢老者曰該中 入泮迄戊辰新正羅夢仙流三人老者出一册左顧曰爾讀來左立者 到滿城紅羅醒竊疑榜花二字難解榜發冒果高捷後冒於陳宗 ;旦取筆連書不可二字於桌最後幾不能自持拍案大呼曰不可二字 少而美亦 詩卽詠日貪將折桂廣寒宮那信三千色是空看破世間 心動隨力制之自語曰不可婦强之陳連曰不可不可 一人病怯幾危陳治之痊亦不責報後陳薄暮過之因留 花而冒 旋顧 因念好色 姓實應之 迷眼 右立 羅 迻 九齋 者日 也 相榜 朗 損 君 坐 陳 卽

最難

推窗露立於庭迄明乃去後陳子入試主者棄其文忽聞呼曰不可挑

送旗 心通 以疾與期後夜女退遂作詩曰風淸月白夜窗虛有女來窺笑讀書欲把琴 是者再及第歸語其父父太息曰此二十年前事吾未嘗告人何 揮感極愧 萬曆戊戌科狀 悚然是秋 太倉陸公容美丰儀天順三年應試南京館人有女善吹簫夜奔公寢公給 語其父父乃言之後其子隨成進士 燈復閱再棄之义聞連聲呼日不可不可最後又閱决意去之忽聞大聲呼 日不可二字最難連聲不已主者因錄之出榜後房師問其子子不熘也歸 使 《匾鼓吹甚盛匾上題月白風淸四字父以爲月宮之兆作書報公公益 不得畢竟不從後其子上公車塗有撫其輿者曰使不得的 一語十年前已薄相如遲明託故去過幾日有家書來乃其父夢郡守 中式卽聯捷仕至參政 .無所報請以女奉箕帚趙搖手曰此名家女使不得强之又搖手 元趙秉忠之父某作邑椽有襲蔭指揮繫寃獄趙力出之指 :神明之告 中狀元. 如

果

報

八九

九十

爾也

曹鼐以歲貢改授太和典吏因捕盜獲一女子於驛亭甚美意欲就公公奮

范許以青衿終老毛怏怏歸寓有某氏女慕其才名私就之毛不允嚴拒焉

蕭山毛西河諱奇齡未遇時遊靖江遇海昌范文園素精相術毛以終身問

領回後廷對忽風飄一紙墜硯前有曹鼐不可四字於是文思沛然狀元及

然日處子可犯乎取片紙書曹鼐不可四字焚之終夜不輟天明召其母家

第

後復見范范大驚曰兄面貌大改觀當有奇遇後應康熙己未

召試官翰

見淫詞豔曲壞人心術及得罪名教之書悉納其中燒之不徒惜字而已後

以第一人及第

石韞玉字琢堂為諸生時以扶翼名教為己任家置一字紙庫名曰孽海凡

林院檢討

悪報

简松楊某有名庠生奉關帝極其誠敬夜夢關帝賜以方印自擬必中 適舟人入市貿易遂與女通是夕劉父母夢神告曰 後龍舒劉堯舉買舟就試舟人有女劉素調之無 帝云不止索印雜索汝命某年某樓之事汝安之乎不一月父子俱亡遂 樓下淫一良家女場後歸家後夢關帝向彼索印楊云印授我矣义何索爲 削 婦鄭氏而成其夫白元之罪又遲十年今又盜鄰女王慶娘爲惡不悛祿 又侵其兄李豐屋基致形於訟又遲十年降三甲後又於長安邸中淫 唐李登年十八魁鄉薦後五十不第詣葉靖法師上叩文帝帝命吏持桂 舉後私窺鄰 示之李登生時上帝賜 盡死期將至矣師以語登遂愧恨 女燕娘事雖未諧而緊其父張澄於獄以此遲十年降二甲 玉印十八發解十九作狀元五十二位至 死 由 |得間至||場出院 郎君應得首薦因所爲 一右相 基早 後於 一良 緣

九

果

報

日生匿

不第宦裔涂生年少有才名窺鄰女美路妻誘使刺繡使頻往來一 不義天榜除名矣及發榜闈中果已擬元因雜犯見黜劉大悔恨後竟終身 江寧庠生郭某己卯入場未放榜時對門楊生謂之曰我近為陰府判官知 血 榻後妻佯出視庖生强姦之事覺女父母逼令自盡生後每入試輒見女披 之下义於家中淫一婢故除君名及放榜果不中竟以貧賤老 一衣而來不得第後卒爲亂兵所殺 公中五十七名為汝於某年某月某日江北收租與一田婦苟合於星月

鳳陽庠生汪某家有小池植荷從未得花康熙已酉將往錄科見池中忽放 下心知不祥怏怏就道時簡文宗錄取甚公鳳陽府學遺才舊額三名赴 ;矣父母悵甚生夢謁文昌見己名已登天榜帝君忽勾去涕泣拜禱三度 並帶蓮父母喜甚晚間生以酒戲調其婢婦勿禁慾私焉晨起視花則已

有三人而

1.生獨黜三次大收卒不錄垂涕而歸

某昔之楚悅一女子給以爲妻女子悅遂通焉且贈某金携至家內子不容 兩差因催糧遇雨夜過其庵求宿尼拒之二差曰此地離城四十里雨夜荒 寧波沙巷口有尼菴殿奉關帝及周將軍尼惟師徒二人順治年間有 結句乃談人閨閫四字大駭摩拭之卷遂破同號友目擊而述之以戒人 生不肯女日不寫由你擲其卷於地拾視初無損汚比謄完檢閱則第七篇 四字生知爲鬼物驚呼同號視之無所見少頃女復至日必爲我寫此四字 康熙己卯江南鄉試一生謄真將完見一女子按其卷日爲我寫談人 之聲息寂然乃呼號軍燭之則見此生以繫筆紅繩自繫其頸已奄奄而逝 舉爲不寧及次晚三葉已脫鬼趨而執其頸因疾呼隣號生救之涕泣謂曰 而死今彼既來某不可復生矣隣號生好言慰之有頃聞生在號中乞命久 康熙癸酉科松江 廩生進首場接卷忽見一鬼隨之入號驚泣終夜合號 選閩 鄞縣

果

九四

折

仆 於地

荷棚 明差整衣出門忽見周將軍舉刀一揮二差同患頸痛行未數里同 知所往後十餘年人有見其在京爲娼焉 **闥以致潛通二女醜聲外播乾隆庚辰仲冬六使暴卒沙彌挈二女遠遁不** 新鄉金大使性好龍陽年七十無子尚不悔改狎一少年沙彌任其穿房入 行人驚掖之自供姦尼及周將軍揮刀之狀言畢氣絕兩頸途 僻必宿此矣尼不得已具蔬食款之中夜突入尼房各稱其老少姦焉天將 康熙辛酉秋吳門有周姓者病因遊冥三日乃醒言陰府事甚悉見一人負 世今極盡地獄苦報直待二書滅盡人問更無隻字方得脫計板爛紙毀當 鎖遍體糜爛因素識其 (人問何罪至此泣曰我曾造淫書二種刋板行

在百餘年後若更有翻刻者則益不可言矣倩君寄語世人見 功見此書迷戀翻閱冥府錄過當得子孫淫佚及絕嗣報 此書

且益

甚

刨

行

焚

燬冥

府錄

我之罪言畢涕泣痛恨周驚寤述以勸

世

主考亦 異忽以 恶不 貼 實有其心八字生愧悔莫及蓋少時見其爐殊色偶 誰 道光甲午科余在楚南襄校中秋前 汪媛夫警枕錄云場中果報諸勸善書言之甚詳大抵惡孽非 分當科名以盜嬸故奪起語某生生日 貴溪某生雅善天師張真人屢試輒困丏真八表章查天榜聞腳語曰此人 係朱公本房寫述其 宿 憐貼 其卷面詩云千里來觀 松令朱公維高已酉入江南內簾取中一卷夜夢一鬼謂之曰此 ij 筆抹其篇 、悔之命朱洗去及洗而墨迹漬透數層忽憶前夢遂擯之吳 ,中因手書一淫字示朱次日呈卷朱偶忘前夢主考見此 五 果 一場信是紅顏爲鬼蜮悔從黑夜結鴛鴦而 報 中險阻二字朱稟云中卷內如此字類者甚 4 上國 光暗 一日喧 中旋被火油傷半生只爲淫三婦 無有遂申牒自辯 傳外有一 个謹告青雲士休認殘 動 士子以 九五 念故 神復批 火油 批 多似 卷大 而 雖 /君履聲 人有隱 傷 淫 不 無 應抹 加賞 七試 卷被 尤甚 其事

由

此 頗

厚

果 報

動故未就 行善事可也已而前至大溪綠衣人推墮之恍然而寤死三日矣以 日姦室女某人降秘閣修撰轉運副使洪悚然泣下曰奈何綠衣 出大帙示之己姓名下字細如蚊不能盡閱後註云合參知政事以某年月 洪燾一日暴卒恍惚見綠衣人引之至陰府洪問生平食祿綠衣人於袖 不數年目雙聲所刻諸板一 不 江 花豔且香有文無行淪落如 如賣 南 改 書賈嵇留積本三千金每刻小說及春宮圖像人勸不 A 梅報 (時文印時文不如印小說春宮以售多而利 · 颁耳遂痛自悔過力行善事後公以秘撰除兩浙漕臺甚恐後竟 **火而燼及死槍斂無措妻子有不忍言者** 此播惡如此可畏哉 速也其家財 聽以爲賣古

憲副

項希憲原名德棻夢己中己卯鄕科以汚兩少婢被主科名神人削

去

無

他官端明殿學士享上壽

而終則力

悔過之報矣

人曰但力

中

心煖

П

辛卯浙闈舉子有姓徐者其叔場前夢神祇會集考檢中式諸人首名為鍾 為原字旁一人曰此汝天榜名次也因易名夢原王子中順天二十九名己 代之至第十幾名乃其姪也醒而識之以報于姪姪素與鍾善因詢鍾生平 揭榜徐果中所謂孺子者則解元余恂之字也鍾歸亟為禮斗懺罪主母卒 知其家有婢懷娠為主母不能容赴水死鍾君常以此不安于心聞夢驚駭 朗有一女子愬冤中座者曰是不可用因訪求補此名者則聞曰盍以孺子 之恰是第八也蓋鄉會榜紙皆白殿榜紙獨黃云 未會試第二名共疑夢中名次之爽迨殿試爲二甲第五名方悟合鼎甲數 謂日汝曾姦一良人妻欲求嗣子何可得也仁哀懇曰小民無知乞容贖罪 賈仁五十無子夜夢至一府第一曰生育祠仁因叩求子嗣主者 不免尋率鍾君 巢 由是力善不怠次科甲午仍中解元 取簿視之

南京一生風儀甚美應試旅邸對門有宦宅女見之屬意焉試畢遣婢邀生 善惡分報

以益信

相會生懼累陰德不敢往同寓一生竊知之乃冒爲生赴約其婢因黑夜不 吳門王某萬歷王子科夢迎天榜見已中六十七名覺而甚喜後往金陵鄉 辨引之入女相與就寢適女之父歸突入見之大怒俱殺之明日放榜不去 王竟被斥抑鬱不自信因默禱城隍夜夢神厲聲曰汝經我申勘已入榜中 生已登第已而告人曰使我若往已登鬼錄矣 試寓陳姓家陳亦夢王中六十七名及榜發則第六十七名乃同寓朱某也

奈何宿倡王泣曰宿倡何至此神曰萬惡淫爲首倡可宿乎王問朱某何以

果報

之家遂富一夜盜入旅邸潤大呼盜先砍落其手連揮數刃而絕財帛席捲 之李於是年中式子亦先後捷南宮 去後廣東李孝廉得其遺稿歎曰是物流傳害人子弟不少償其值而悉火 悔恨無及 得中神曰宿倡日友先約朱朱堅拒汝竟往故易之以彰貞淫明報王驚寤 福建諸葛潤善畫彩色春宮浪遊都下名重而價亦高諸貴人子弟日暱近

九九

語云走馬看痘症極言其變症之速也經云痘稟於陰而成於陽譬之種豆 痘症

亦必天氣陽和地土溫燥方能發生人生之痘亦猶是也痘之將出全仗真

立時告變之明徵也走馬看痘症痘神換壞痘此二語舉世相傳迷而 與其壞痘先與其好痘而換爲壞痘神何心哉委因不知培補妄行攻伐此 寒涼無非連翹大黃及一切涼藥元氣乍虧痘瘡立陷又云痘之一症 縱更換痘師亦總是寒涼尅削愛女嬌兒必驅之於萬不能生而 司之某家子本好痘轉瞬間換爲壞痘而斃如或神欲殺之當其初何 陽托送斯時培補氣血尙且不暇何堪尅削無如近代痘師但見發熱便 不即 不 有 悟 繭

旋於丁酉著得福幼編專注慢驚一症彼時胞姪 隆丙申姪孫女染患慢驚爲中州庸醫誤用黃連致斃聞信之下深爲 **鈞爲南陽太守當付梓人** 惻然

生民之厄也言念及此不禁為斯世斯人痛哭耳 變性嗜歧黃身

試旣

後已或亦

百百

不得法則不生是治法之不可不精也內經未嘗言及今行世諸書皆本之 痘科 勅封儒林郎直隸布政司理問晉授奉直大夫莊一變譔 於諸瘡痛癢皆屬於熱八字所以立意先言解毒開方定用寒涼在其父母 **鼳依方療治定可以順遂其生爱名之曰遂生編請政方家採擇或亦活人** 竊取先哲名言與鄙見相符者集成 補兼散治疹之法宜養血兼散二症俱忌寒凉消導所謂秘訣者如是而已 來博覽羣書竟得箇中秘訣臨危治愈頗獲奇功萬無 行世收効此書遂傳嗣見痘殤者甚多不勝扼腕遂考究痘症一 遂 治法 生編 助云爾 一症順者不必治逆者不能治可治者惟險症耳險症治之得 一帙願後之得此書者不至爲前 武進莊 變田 一失治痘之法宜溫 氏著 門二十年 法 則 人所 生

遂生篇

 $\overline{\mathfrak{O}}$

早則補住毒 服荆防地黃湯兼寒者宜服大溫中飲或大補元煎察其氣體之虛實酌 全憑氣血但得氣血充足則易出易結氣血不足則變症百出痘之欲出陽 她削則氣破血滯氣破毒氣乘虛深入此痘症陷塌之所由也譬之猪脬若 聞之解毒最為入耳寒涼似亦應然殊不知痘瘡全以發透為 用之所謂培補氣血疎通筋絡無不立奏全功時師不明此理定言用補太 氣蒸騰小兒發熱正是痘欲見苗斯時氣虛者宜服補中益氣湯血虛 欲其脹滿必需以氣充之散其氣立即陷矣此理相同顯而易見痘之終始 氣血滋培方能自內達外齊苗灌漿結痂無非陽氣爲之主也寒涼則血 無補住之理且有散藥在內此實先哲治痘之心傳高明者必以爲然淺學 氣乃愚陋之見也不知補中即所以托毒灌根即所以發苗萬 言起法必顧 者宜

而

小

兒向日氣體薄弱面色青黃唇淡畏寒大便溏而不結小便清白飲食減

:窺其萬一要之治痘之法總不外乎虛寒實熱四字何者謂虛寒凡

者

何能

故是名虛寒速宜培補元陽以防變症何者謂實熱或小兒氣體 藥亦有此 小便清白大便不結身雖大熱乃是中宮有寒火無所依浮而在 名實熱察明果是內熱方可暫行清解荆防地黃湯用生地加大黃一二劑 易消出痘時大便結而燥小便赤而臊口鼻中出氣如火惡熱喜涼等症 而火退矣然不可以虚火誤認為實火祭虚火實火之法全憑大小便為主 少或不甚消化等症則腹中火少出痘時必難灌漿亦難結痂氣血不足之 宜補氣 江 一宜補血 足之故宜服黨參白朮黃芪甘草之類以補之 痘有四宜 疽 真陰充盛方能隨氣到苗以成漿空殼無膿等症皆陰血不足 真陽充足方能送毒外出以成痘倘痘項不起等症皆元氣不 不得以身熟便認為實火虛火者十中八九實火者數十中之 外誤服涼 壯實飲食

逐生篇

· 遂生篇

之故宜於補氣藥中加熟地當歸丹參川芎之類以補之

脾土壯健氣血自充飲食減少口淡無味等症皆脾土

虚弱

三宜補脾腎

四宜察虛實 無陷塌泄瀉之患經云虛則補其母此之謂也 之故須脾腎雙補卽於前氣血藥中加枸杞故紙附子肉桂等藥痘 小兒飲食有味二便如常不服藥最爲穩當設或灌漿不滿

燒漿不乾等症必祭其氣分血分何處虧虛照症調補不可妄用涼藥必

口鼻出火尿臊便結有實火可據者方可暫行清解

忌尅伐氣血 痘之塌陷實由於此是連翹生地黃芩澤瀉等藥非 忌清熱敗毒 痘有 辺忌 氣血電暢痘易成功尅削下咽中氣虧而 胎中陰毒必賴陽氣托送方能發出陽氣被清陰毒 有實火者萬不 毒 乘虛深入泄 可用 內歸

瀉塌陷諸症作矣是大黃朴硝枳殼梹榔等藥在所必禁者也

三忌妄投醫藥 小兒出痘延醫診治求其有益也豈知近代痘師不分虛

實總是涼藥毒輕者既死毒重者不生是以不服藥之爲妙客問日痘之

四忌吞服醫家小九 險症但見治斃未見治愈也客猛然省悟而去 順症可以不藥我知之矣痘之險症亦可不藥乎余曰若純用凉藥以治 自可攻下豈知中虛下陷之禍小丸數粒斷非溫補氣血之藥卽抱龍牛 近代痘師所帶小藥總是巴豆丸彼以爲痘是胎毒

痘者胎中之陰毒也必賴陽氣以成之小兒出痘大約發熱三日肌肉鬆透 黃等丸亦與痘症大有妨礙是以最不可誤服親友處受此害者甚多目 至於前人所製人牙散獨聖散為冠血桑蟲之類逼毒外出旋即收陷皆 非正理何曾見其治愈一人斷不可用 擊心傷故特表而出之

河苗以

為首務否則氣不足則這項不起火不足則漿不稠且恐厥逆腹痛陰寒起 燒班偷有黑班乃是火衰並非因吃鹽醬之故所謂痘稟於陰而成於陽也 陽伏毒既化膿又必發熱蒸乾方能結痂痂落後眞陽外出蒸化班點謂之 成清漿漿足熱退及至養漿眞陽仍出發熱三日化毒以成膿膿成熱退而 然後能見點苗齊熱過乃眞陽內伏交會於陰復發熱三日是運水 如此治痘之法始終當以補氣血扶陽氣爲第一義用藥以溫補少加發散 而壞症作矣

或又問日痘宜溫補棄散此理已明後開大補元煎六味回陽飲此二方重 用散藥可見古人立方之妙痘之初出是斷不可減去散藥者也 功所以古方補中益氣湯內有升麻柴胡大溫中飲內有麻黃溫中補氣尙 氣少加發散藥於溫補藥中則血脈疎通痘瘡易出無壅滯之患受解散之 或問曰痘宜溫補此理甚明若無發散豈不傷氣不知純用散藥汗多則傷

皆因 正熱者陽氣蒸騰自內達外喜露頭面不惡寒時熱時止兼有 煎名返魂丹治痘收效指不勝屈余治外孫汪陵醫案所當 連進 尋常痘 咬牙吐瀉交作不可爲矣至於身涼而膿不乾痂落而班不化及痘後發毒 者當前速宜參熟並用附桂同煎脾腎雙補大劑叠進尚可挽回否則寒戰 不能升而項陷若誤用於養漿時則漿不能稠而癢塌癢塌者眞火衰也 至於清火解毒凉藥必察明果有實火者方可暫用若誤用於齊苗時則水 手此 作青黑色肝氣所化胃氣將竭之兆速宜大補元煎六味回陽飲二方大劑 用附桂並無散藥兼用龍骨粟殼收濇之藥其義何取不知溫補兼散乃治 一誤服 一可以扶元陽可以消陰毒操起死回生之功有神鬼莫測之妙二方合 乃陰毒太重陽氣太虛陰毒一發陽氣已消故瀉利不止瀉出之物 症 生地銀花澤瀉連翹等涼藥之故不可不知熱有邪 之法更有 一種小兒發熱一二日卽遍身出痘古書無方時師 細閥 正必當體 小汗手足溫

明

袖

逐生篇

和飲食有味二便如常所謂內外無邪不必服藥邪熱者偶受風寒頭痛惡 無汗荆防地黃湯內加肉桂一錢一二劑後儘可解散表邪而

痘以飽滿紅活為形色頂陷不起是氣虛色不鮮明是血虛宜培補氣血爲 形色

愈古人云熱不可盡除眞格言也

寒四肢冷而

以不服藥若二便不調飲食不下煩燥悶亂夜中不寧形色雖好亦甚 用寒凉變症日增形與色外象也必要飲食有味二便如常知其無內病可 急當大補元煎陽氣充滿血泡變白而成功矣庸醫不明此理謬言血 轉白爲紅矣又有一種遍身血泡者此非血多乃氣少不能統血故血妄行 主真陽虛者乃無紅暈甚至逼身皆白身冷不温宜用大補元煎陽回身溫 必當祭其病情何故小心用藥挽回方妙形色不佳多半是體氣虛寒手足 熱誤 可

厥冷頭重神疲便清泄瀉等症必當大補元煎兼用附桂若泄瀉不止並當

加入龍骨粟殼等藥以收濇之瀉止方 町 回 生

痘有五: 泡失治則 陷水泡者皮薄而明經言氣熱生水要知清漿皆水何以不 乃陽氣大虛陰氣凝結 桂同施氣足陽回痘根紅 劑又有一種錫光痘身涼不溫色白不紅此仍陽虛陰象 便燥 平鋪無痘 必営蓬桂 **兆**噀紅者痘根紅 痘以紅活爲貴有圈紅 而 泡日水泡膿泡灰泡血 結 一破流膿水灰泡失治轉爲灰陷二症亦宜參熟附桂大劑多進若 附子等藥大劑陡進 之處亦紅 内熟有據者宜白虎地黃湯以利之熱退身涼 |色隱隱散漫亦氣不收之故速宜大補 所謂 亦宜大補 選紅 血而漿稠· 地界不分若兼不惡寒口臭而 鋪紅 水必成膿若誤用凉藥作瀉後轉 泡紫泡痘有五 元陽兼用附桂黑 之別 圈 紅 者一 陷 日血 線紅 種 水亦化為 根 陷 無 圈 灰 紅 也宜 即宜平補 渴 氣 緊附 成膿 陷白 盤 小 Ш.

膿

矣

一頂含黑-

水

者

大補

氣

血附

不

可多

便臊

而

短

大

鋪

紅

一者一片

痘

根

最

爲

佳

爲

白

陷

火少

故

也

陷

紫

陷

逐生篇

有小顆粒發出謂之子救母生意在焉血泡者乃氣虛非血熱亦宜大補元

凝結 陽否則變爲血陷紫泡者其症有二紫中帶青者亦因氣虛不能攝血陰血 而成其人必身倦惡寒舌胎白飲食不多大小便清白速宜 大補 元

線漿尚可望生失治轉爲黑陷又有一 小便短大便結此實火也宜清涼解毒白虎地黃湯酌加大黃以行之但得 否則變爲紫陷又有一種紫黑焦枯者乃純陽無陰之症其人必 種小兒因服凉藥腹 中作痛嘔吐瀉 口乾惡熱

利將成慢驚頭面大熱唇焦舌黑亦似實火此乃火不歸元之故實火者一 便臊閉虛火者瀉利不止全在細心體察爲要

毒氣盡化爲膿而脹自消亦必脾胃强健方能如此若當起脹而不起脹乃 緣毒氣由 痘至開盤頭面腮頰亦腫謂之起脹至脹成漿足痘回而脹消謂之收脹蓋 內達外此時尙在肌膚之間故腮頰亦隨之而腫迨至膿成漿足

之理也 此害甚確封眼者眼弦多痘胭 膿所致亦宜大補元煎大溫中飲相間 虚此 由元 大虛何以送毒外出必當大補元煎附子內桂大劑多進脹起而 出稠密封眼者有救不封眼者無救此言不確起脹者有救不起脹者 又有痘已回而腫不消乃元氣大虛不能攝毒留於肌肉之間 大溫中飲相間 痘之緊要全在養漿漿成則毒化漿不成痘斯壞多自發熱見點齊苗 無非爲養漿而設若顆粒稀疎根盤紅潤精神爽健二便如常乃上等痘 一乃虛腫非起脹也其痘必不能起脹亦宜大補元氣 氣內虛不能送毒外出之故宜用大補 服之盤自開 而脹自起若痘未開 脂 水塗之仍可以不封眼不起脹 服之餘毒盡化 氣血 盤 之藥少加發散 而 頭 而脹消矣痘書云痘 腫自 面 先腫 不能 消 毒化 乃元 大補 者乃元 丽 盡化 脹 氣大 無救 自 元 定 氣 起 煎

遂生篇

助其 陽充足出而用事方能化毒成膿設陽氣不足何以蒸化其毒宜大補 熱氣 間服之萬無一失而 實爲上策緊防泄瀉則中虛陽氣一虧毒必內陷定當預爲提防補 可以不藥偷形色平常全憑用藥助其氣血以養其漿最怕者無熱全仗眞 可愈 患义有一種小兒痘後滿頭潰爛名曰虛陽貫頂义曰髮疽經年不 出痘時誤服凉藥胃中受寒陽無所依 之藥中氣乍虧所致若於養漿時大劑溫補氣血充足痂落後斷無 必上 一脾腎漿乾痂結而成功矣煎藥方無非補中益氣湯大補元煎之類 收結 一冲此理無二速宜大補元煎大溫中飲相問服之引火歸 世之面麻者皆因不明是理養漿時被庸醫誤用削 上冲頭頂譬之火爐中以水潑之 愈此 源 面麻 其陽 旬日 元氣 則 乃 Ż 伐 相 氣

收者

、樊回而脹收也結者膿乾而痂結也收結如法其功成矣倘漿回

而腫

不消膿成而痂不結亦是眞陽不足身無熱不能乾漿化毒之故膿漿充足 氣薰蒸方能結痂陽氣二字岩非痘症 始終必須之至寶設此 時氣

必賴時 中飲數劑全愈其色紅白相兼者半陰半陽症也荆防 凉藥可以解毒豈知痘乃胎中陰毒得陽氣則行得涼藥則滯毒氣 痘本胎毒自內達外若出痘時盡化爲膿痘後無餘毒矣當其初總宜 問服之膿自乾而蛆自化痂結 不能乾而生蛆謂之蛆痘總由陽痂不足之故俱宜大補元煎大溫中 體虛弱不能結痂必相其虛實無非培補氣血 留滯於肌肉之內痘後所以發爲大疽名曰疽毒皮色不變者居 元陽兼用散藥毒氣盡出化而 痘毒 爲膿時師用連翹黃芩澤瀉等藥在 而 愈矣 無不立見奇功又有 地黃湯與大温 多宜 被以爲 因 種漿 飲相 培補 大溫 凉 中飲 藥

相問服之數日亦愈倫已潰爛者亦以荆防地黃湯與大溫中飲相

間

服之

途生篇

Ш

毒也 荆防地黃湯愈之大便結者下之然陰症多陽症少痘後並未見有陽症之 而 統言火毒仍用生地連翹銀花等藥以致堅腫不消潰爛不飲潰膿淋漓久 不愈漸至泄瀉不食脾胃一敗不斃鮮矣若紅而帶紫者乃陽症方可以

出微汗苗以紅活為貴宜慎風寒切戒猪油荤腥等物宜服梹榔錢 中陽毒必賴陰氣而後能化痘宜溫散疹愛清散疹之將出亦發熱三日 防風薄荷知母黃芩厚朴澤瀉會發草果淨仁細辛會發燈草爲引一三劑 4 荆芥

進泄瀉止而珍自愈此乃實熱化為虛寒泄瀉嘔吐疹毒全去虛寒已現不

全愈偷多服凉藥以致泄瀉嘔吐將成慢驚亦宜大補元煎加胡椒

細末

經云痘稟於陰而成於陽疹稟於陽而成於陰此陰陽交互之妙也疹乃胎

可泥云疹係熱症忌用溫補也

小兒發熱五指稍及中指冷是痘疹是傷寒 外兒發熱五指稍及中指冷是痘疹是傷寒 辨痘法書所嚴逆症令治愈丧少是以各

小而充實者名珍珠痘大而飽滿者名大痘四圍起而中陷者名茱萸痘平 扁不起者名蒸餅痘 耳後紅筋痘必輕紫筋起處重沉沉兼青帶黑尤難治用藥精詳也得生 痘症藥方 認痘法

補中益氣湯 陷者亦宜服之 黨參 **遂生**篇 此方補氣散毒氣虛者初出痘時服三 黄芪 二錢 白朮 錢半 炙 甘 草 錢 當歸二錢 四劑痘易起發痘頂 五五

遂生篇

荆防地黄湯 陳皮 五分 此方補血散毒血虚者初出痘時服三四 升麻 三分 柴胡

大溫中飲 後 荆芥 防風 各方相問 錢 鉣 此方補氣血散寒邪提痘漿散痘毒凡痘頂不起空殼無膿嘔 服無不 熟 雲苓 地 经 四錢 可 山英

劑連進溫中散寒立時起發功難盡述 熟地 五錢 白朮 三錢 山藥 二錢 黨參

三錢

黄芪

二錢

錢

炮畫

錢

大補元煎 加黄酒多次禮之不可減去麻黄汗多者減之加生薑二片灶心土水煎瀉用夏布擰出汁少 一錢 此方大補元氣血耑治痘症誤服凉藥嘔吐泄瀉痘不起發危 柴胡 经 麻黄 錢 肉桂

黄湯旱晚相間服之加整煎可與荆防地

六

三分

|劑痘易灌漿與前

錢

· 一 錢

並加黃酒冲服之 加生薑三大片爲引

吐泄瀉脾胃不開痘色不紅將欲場陷速宜煎服並須大補元煎相間大

錢 生甘草

山藥

经

丹皮

功有神鬼莫測之妙倘 在旦夕速宜大劑連進不可減去附子與六味回陽飲相問服之立見奇 鎹 萸肉 熟地 附子太多則小便閉塞矣倘泄瀉全止減去附子若 杜仲 黨參 三錢 二錢 三劑後泄瀉不 炙甘 山藥 二錢 二錢 故紙 白朮 止酌加附子更 二錢 三錢 棗仁 肉桂 二錢 加龍骨粟殼各 附子

六味回陽飲 白虎地黄湯 嘔吐泄瀉將成慢驚危在傾刻速宜服此 之內同煎疊進名返魂丹真仙方也 附子 去附子只川肉桂數分調理數劑計日可復元矣加生薑三人片好核桃仁三個打碎爲引痘後減 减去附子一味六味问陽飲多進爲妙如胡椒鄉末三分灶心土水澄清煎樂或 途生篇 錢 此方大補元陽耑治小兒氣血本虛痘瘡自陷或誤服涼藥 此方去實火解邪熱耑治小兒出痘發熱不退口渴喜冷痘 炮薑 錢 當歸 三錢 肉桂 方倘

錢

一錢

一七

有轉頭卽

加入大補

元煎

錢

逐生篇

瘡黑陷小便赤臊大便閉結口鼻氣熱等症酌加大黃以行爲度若二便

清白不喜飲冷身雖大熱此乃是虛火仍宜溫補所謂甘溫退大熱不可

初生小兒預防稀痘方 骨男左旋女右旋上自脖後風門骨逐節挨次研下至尾閭止周 研至數次有黑毛出如新生髮再研數次令其多出以不出爲度 日九日再洗再研所出黑毛俟其自落此法屢經試驗不出痘者甚多卽 忘投此藥此 生甘 石羔 三錢 一錢 乃備而不輕用之方也 澤瀉 生地 一錢 经经 小兒初生三日內洗淨以手指蘸雞蛋清研其脊 當歸 宜以荆防地黄湯調理之加燈草爲引熱退身涼即 三錢 枳殼 经 木通 (五日七 而 復 二錢 始

金銀花燈 赤小豆 馬料豆 菉豆 粉甘草

神驗稀痘方

出痘亦稀少

右各 緊鎔蠟封問臘月內浸廁中一 兩共爲細末用竹筒

一段削去皮兩頭留節鑿孔入藥末杉木塞

月取出洗淨風乾每藥

兩

配臘月內梅

花片三錢

着手用針刺取者佳 以雪中花片落地者不

服之 如能每逢節氣俱服一次更妙二分二至各服一次為時最善

配就量兒小大服之週歲者一錢

未週者

五分

以霜後絲瓜籐上小籐絲

保赤至寶萬應丸 飲食減少無不驗者蟲積尤神效 真於朮 懷 山藥 遂生篇 土二 炒兩 炒八 錢 川練子 老厚朴 史君子 各一兩外 炒四 黄錢 製五 錢 梹梛 茯苓 陳皮 八錢 二阿

煎湯空腹服忌量腥二十日解出黑糞為驗每年擇小兒强實無病之時 服至一年卽稀三年卽不出矣配製施送功用不淺

此方耑治小兒週歲後十五歲前五疳五積脾虛氣弱

麥冬

九

枳殼

麵八 炒錢

蓮肉

炒八 錢

干干

氣虛者加真黨參三兩更妙 共爲細末荷葉煑老米湯打糊爲九每重一 製半夏 八錢 白扁豆炒錢 壓驗良劑也 丹皮 六錢 錢淡洋糖湯下蟲積白湯下 淡 實 炒六錢

余外孫汪宣六歲向日氣體虛弱偶爾感寒或食涼物即喘瀉發熟素知 其中處生寒宜用溫補不宜寒涼乾隆甲寅年出痘醫師開方皆是生地 銀花等藥余日藥性與氣體相違何能對症因改用補中益氣湯加薑桂

治驗

江姓子二歲發熱三日痘已出齊亦不甚多痘師欲以大黃連翹等藥灌

四劑痘瘡結痂而愈

雛鴿子養水灌下次日忽有小粒爆出余日宜用補也明矣奈痘科仍用 之余曰此藥灌下作瀉一二次痘卽收矣彼不信作瀉後痘果收痘科用 小藥數粒瀉利不止而斃

也萬不一活堅云不必服藥余徉應之乃以大補元煎二劑而 使女喜連五歲發熱一日紅點遍身成片痘師日此名火燎苗十二日症 脾胃較健

四劑而苗齊漿足惟形色晦暗且不結痂七劑而痂結十劑而全愈矣醫

驚危在呼吸余往視謂醫曰此乃涼藥逼火上冲之故外雖極熱內實真 余胞姪文豹週歲出疹失於表散疊用寒凉泄瀉嘔吐脣焦舌黑已成慢

曰此症能生萬不可解

魏明府之子三歲出痘甚稀痘科用凉藥數劑幸此兒體旺雖未大瀉而 隆丁酉年余蓍福幼編內附載醫案甚詳 小便清之實火耳用大補元煎加胡椒細末同煎一劑驚止十劑全愈乾 寒醫曰唇焦舌黑豈非實火余曰泄瀉便利豈非虛證天下斷無大便瀉

杯此凉藥凝滯故也余用大溫中飲數劑而消 黑班不退知其真火被清也痘後月餘項間忽發一毒皮色不變大如酒

舒友子十歲滿頭潰爛清膿血水幾數十處其父云此痘毒也半年不愈 頭頂此即所謂虛陽貫頂也宜引人歸源之法用大補元煎兼加散藥每 取出向日藥方都是連翹生地等涼藥乃知是寒涼入胃火無所依 **遂生**篇 上冲

瀉三劑而隨服隨吐庸醫不明藥不對症故胃中不受猶曰吐藥不 花黃芩山查山梔等藥治之一劑而脾胃更減神氣昏沉二劑而 狼狽不堪一月後右腿發一大疽皮色不變醫師堅稱火毒仍以 嘔吐泄 生地銀 吐味

余胞姪七歲在常州出痘甚稀師以涼藥敗毒當時雖未塌陷而形狀已

日一劑十日全愈

余外孫汪陵生始五月尚未及週向日便溏腰軟氣血不足可知忽發熱 日逼身出痘稠密成片頂各有小孔破流黃水目瞠不能暫瞑晝夜下 河姐

遂致瘡色晦暗乂數日不潰

利十餘次乳汁入口亦從下竅流出肛門無沿空洞一穴痘書云肛門如

竹筒者不治羣醫袖手余曰此卽前發熱論中所謂陰毒太重陽氣太虛

薑一錢五分丁香末五分胡椒末三分濃煎濾汁晝夜頻頻灌之藥汁入 症也非大加溫補萬不能生卽將大補元煎每劑附子二錢肉桂三錢炮 母細心體貼日藥雖流出似覺較少且灌藥一次目瞑片刻定是效驗於 口已從下竅流出一連九次將完一劑見者曰不必再灌待時而已幸其

又進四劑痘已全然結痂至第十二日痘痂落盡班點全無肚腹亦好闡 稍止痘頂小孔長滿且已起發全灌清漿照原方加龍骨末粟殼各一錢 者莫不稱奇余識得此兒是虛寒症用藥得宜故有效耳

物青黑中帶有黃色知其胃氣生動也照原方又進三劑肛門有沿瀉利

是照原方不改分毫如法每日一劑又三劑此兒竟能假寐片時瀉下之

福幼編

此編專以溫補見長凡小兒旣成慢驚必於後開條目內有數處相合者 即放心下方服藥勿謂此書與古方清熱散風之藥不同仍泥用古方以

凡例

自誤也

此編凡鹿茸人參等貴重難覓之藥悉不開入恐窮鄉僻壤及無力之家 不能構覓雖有對症良方亦束手無策也

此編內之藥隨處皆有無論貧賤富貴皆力所易爲但必須另包過戥如 法泡製方可取效

近代所買之抱龍牛黃等丸皆清熱化痰之藥急驚最為對症若慢驚之 急驚與慢驚至屬相反急驚之症小兒氣體壯實前數日發燒今日鼻中 甚者下喉卽死

福幼箫

鬸 幼篇

咽卽 **急驚之**方則爲害非小是以姑述其由而 氣熱大便結小便臊忽而驚風大作喉中多有熱痰用抱龍牛黃等丸下 醒再用清熱消導之藥一 劑而安本欲附方於此恐治慢驚者用治 方不叙入慢驚總是病後 血氣

畫桂附子乃編內藥方中之用神減去則無效肉桂好者難得薄桂潯桂 但有油者皆可用之所以本草備要云肉桂有油者俱住無所 不足虛極生風非脾腎雙補薑桂同 進如 何能 愈

分別

也

此編新立二方以治慢驚明言慢驚屬虛寒溫補即所以治慢驚急驚實 子不 熱清熱卽所以治急驚二症有寒熱 補二字委係治慢驚祕訣無所疑也 慢驚之輕者理中地黃湯內多用薑桂亦可治愈若虛寒至極 可但附子性熱人多畏之本草附子下亦註 之殊用藥有雲泥之異古人每以一 明治慢驚字樣可 者非 見溫 用附

方治二症未究其致病之根源深不可信也

轉爲慢驚真得之最易而醫之最難世之人但知濟熱散風不知溫補氣 此編乃獨得之奇實發古人不傳之祕凡小兒久病不愈諸病之後均能 煮發散消導之藥病輕者容或愈之原非其藥之功效病重者愈治愈危 傳已屬善舉若鄉試小試年龍門貢院前分送尤覺易以普遍 恐招 血間 海內醫書未可枚舉諸君子雖各執一見議論紛紜然失之於此者仍得 未聞治愈一人良可嘆也 近代醫家皆云慢驚一症先須驅風化痰鎭驚往往用金銀器物煮水仍 直隸等處付梓矣倘 之於彼惟慢驚一症自古及今相承錯謬殊堪扼腕是以此編耑辯慢驚 症與各書不同節次試驗有效深信不疑也 .有一二高明者見及慢驚是虛寒症欲開溫補藥方又因不合古 一軸誇是以慢騰竟為幼科第一險危之症此編業於姑蘇中州安徽 仁人君子念及小兒患此症者待命殷殷翻刻廣 書

福幼篇

凡為善濟人及有一切陰隲者子孫當得福報若將此書翻刻廣傳使天 脳幼篙

寒乍熱或三陽晦暗或面色淡白青黃或大小便清白或 食積滯過用攻伐傷脾或秉賦本虛或誤服凉藥或因急驚 慢驚之症緣小兒 如昌盛或亦陰功之一助為善君子未知以爲然否 下後世活人無窮又似非尋常陰隲可比其翻刻爲善之子孫更不知當何 而口 其或失於調理皆可致此症也其症神昏氣喘或大熱不退眼 中氣冷或瀉利冷汗或完穀不化或四肢冰冷並至腹中氣響喉內 治慢驚風心得神方 吐瀉得之爲最多或久瘧久痢或痘後疹後或因風寒飲 口

慢脾風皆此症也若再用寒涼再行消導或用膽星抱龍以除痰或 鳴角弓反張 目光昏暗此虚症 也亦危症也俗名謂之天弔風 虚風 用 天 慢驚 麻 風

唇

雖開

裂出

MI.

胨

而用藥攻降太

翻驚搐或乍

或用知柏芩連以清火或用巴豆大黄以去積殺人如 反掌實

以驅

風

奈何與其失之寒涼斷難生活不若試之溫補猶可救療此語發明 暑實邪一經吐瀉業已全除脾胃空虛倉廩空乏若不急救恐虛痰 不止 可風之理最爲明透後之君子願無忽諸今將慢驚辯症臚列於後 在頃刻矣庸醫不明皆誤指為熱爲食投以清火去積涼藥立時告 藥以救腎毒不惟傷食當急救之卽傷寒傷暑亦當急救之蓋其先 以敵木治本即 越元氣無根陰寒至極風之所由動也治宜 可畏也若治風而風無可治治驚而驚愈無可治此實因脾胃虛寒孤 慢驚吐瀉脾胃虛寒也 慢驚身冷陽氣抑遏不出也服落藥之後往往至此 慢驚鼻孔煽動真陰失守虛火爍肺也 無論短後疹後病後不拘何因皆當急用參朮以救胃氣薑桂 所以治標凡小兒一經吐瀉交作卽是最危之症若 光用 辛熱 再加 溫 |補蓋 「變爲之 吐瀉驚 上湧 其 雖 栒 補 陽外 有 屢作 土 丽 寒

福幼篇

慢驚面色青黃及白氣血兩虛也

慢驚大小便青白腎與大腸全無火也 慢驚口鼻中氣冷中寒也

慢驚昏睡露睛神氣不足也

慢驚手足抽掣血不行於四肢也

慢騰乍熱乍涼陰血虛少陰陽錯亂也

慢驚角弓反張血虛筋急也

慢驚手足瘈瘲血不足以養筋也 慢驚汗出如洗陽虛而表不固也

慢驚顋門下陷虛至極也

慢驚身雖發熱口層焦裂出血卻不喜飲冷茶水進以寒涼愈增危驚以

及所吐之乳所瀉之物皆不甚消化脾胃無火可知唇之焦黑乃真陰之

不足也明矣

大凡因發熱不退及吐瀉而成者總屬陰虛陽越必成慢驚並非感冒 風

寒發熱可比故不宜發散治宜培元救本加薑桂以引火歸源必先用辛 熱沖開寒痰再進溫補方爲得法

經驗二方列後

逐寒蕩驚湯 寒痰寬胸膈止嘔吐蕩驚邪所謂回元氣於無有之鄉 後或誤服涼藥泄瀉嘔吐轉爲慢驚淸熱散風愈治愈危速宜服此 此方藥性溫煖而治小兒氣體本虛或久病不愈或痘後疹 一二劑後嘔吐漸 能 開

接服後方定獲奇效 右凹味研爲 止即見其驗也認明但係虛寒即宜服之不必疑畏也 細末以灶心土三兩煮水澄極清煎藥大半茶杯頻頻灌之 肉桂 錢 丁香十粒

顧幼篇

.

福幼篇

加味理中地黃湯 有難以盡述者 壞形狀狼狽瘦弱至極皆可挽回之如法濃煎頻頻與服參天救本之功 此方助氣補血卻病回陽專治小兒精神已虧氣血大

熟地蓝

當歸二錢

英肉 一錢

枸杞二錢

白朮三錢

炮畫 一發

炙甘草 · 錢棗仁於研

肉桂一錢故紙二錢炙芪二錢

茶杯另加附子五煎水攙入諒見大小分數次灌之如咳嗽不止者加蓿 劑卽去附子只用丁香华福二三日只用附子二三分蓋因附子大熱中 殼一錢金櫻子一錢如大熱不退加白芍一錢泄瀉不止者加丁香嗎。只服一 病卽宜去之也如用附子太多則小便閉塞不出如不用附子則沉寒臟 加生薑『『紅棗』。核桃肉』。爲引仍用灶心土』。廣水煎藥取濃汁一

至一二錢此所謂神而明之存乎其人用者審之此方乃救陰固本之要 腑固結不開如不用丁香則泄瀉不止若小兒虛寒至極者附子不妨用

治驗 北平黃孝廉女甫週歲病久不愈余視之瘦弱已極熱仍不退頃之羣醫 矣如 藥治小兒慢驚稱為神劑若小兒吐瀉不至已甚者或微見驚搐胃中尚 質回生起死有神功倘大虛之後服一 喜多飲冷茶水若吐瀉交作則非實火可知矣此方補造化陰陽所不足 發熱以及午後發熱等症總屬陰虛均宜服之若新病壯實之小兒眼 可受樂喫乳便利者並不必服逐寒蕩駑湯只服此方一 經有云實者瀉之虛者補之此女瘦弱已極豈實症乎乃衆論 與辯越三日余叉往視黃曰我女昨大瀉下黃沫且角弓反張不知其故 畢集俱商用 口渴者乃質火之症方可暫行清解但係實火必大便閉結氣 小兒尚未成驚不過昏睡發熱不退或時熱時止或日間安靜夜 山查神麯荆芥防風等味皆消導藥也余竊謂不然因憶內 劑無效必須大劑多服 劑 而 、壯聲洪 風定 譁 爲 然 妙 神 未可 紅 間 且 清

福幼篇

熱陡退病亦漸愈緣前此尅削太甚復元較遲 心折因謂醫曰我女病久必虛滋陰爲上乃加大熟地二錢連進二劑其 就原方加註剖明某藥可用某藥難投總本張景岳直救眞陰之說黃亦 加消導發散之味彼時本欲另立一方又恐醫家撓阻黃亦未必深信因 在側甚慚强余立方余辭之歸次日黃以衆方請正余閱之乃五苓散仍 余曰此凉藥毒也黃曰然前山查等藥不效復加黃連二分遂劇適前醫

矣今又延某醫包治此其藥單也逾數日泣謂余曰某師悔曰子不生矣 鄰友方元興有子歲餘常見其持單買藥詢之方曰兒病已日久更數醫 黃湯去附子澤瀉加枸杞故紙一劑而安义十餘劑而氣體復元矣 日醫方閱之悉是去積發散凉血之藥與症相反余日得之矣用理中地 瀉發喘兩目上視命在須臾邀余往視見其子顖門已陷面色青黃取向 君其有術乎細叩其故方曰我子體熱已久近日氣弱神昏腹中膨脹吐

寒痰故前諸藥皆吐而不受因取附子薑桂煎湯飮灌余母曰此兒現在 救 發熱不退而 喉痛可. 作響風已動矣喉如雞聲痰已塞矣且喫乳卽吐頭搖睛泛氣促神昏兩 符站用救陰固本平補之藥一劑灌之悉皆吐出余母顧見謂 以苓連石斛等藥非惟熱不能解且面色青黃二陽黑暗大喘大瀉 目 危篤醫亦束手余查痘疹諸 劑而熱立止逾時體冷徹骨熱復大作再投前劑則無效矣又延他醫投 余胞姪乳名文豹素欠壯實週歲疹後發熱兼旬不退咳嗽時 細 無 光面無人色敗症現矣急請前醫皆裹足不至遍查各書俱載疹後 思喉中作響必係寒痰蓋緣眞陽外越寒生於中如 知後數日晝夜昏睡不醒因延本地時醫投以清熱解表涼藥一 致反劇外雖極熱內實眞寒非用大辛大熱之品不 頭搖睛泛吐瀉神昏乃慢脾風不治之症然亦不忍 書皆云疹係熱症宜用寒涼其說亦 係實 以手捫 火 余曰腹中 能神 坐視 與症 則 前 愈增 開 此

者補土所以敵木也木平則風息土旺則金生金既得生火不能尅則向 乃於前湯內復加棗仁五味白芍斂陰之藥一劑而安此正類經所云治 合六味地黃湯去澤瀉丹皮加故紙枸杞一劑而敗症全除惟大熱未退 龍肝沖水灌之吐亦漸止少頃兒忽眼動呵欠咳嗽時卽不以手捫口又 桂 也嘔吐泄瀉脾腎虛寒也用胡椒薑桂所以開湧喉之寒痰也用灶心土 風先治血及甘溫退大熱之義也其後細審此症咳嗽喉痛心火燥肺金 頃連溺小便稠濁紫黑疹後邪毒卽次盡下似有起色因用附子理中湯 熱之品終不能引火歸源以消寒滯也雖另去附子仍改用胡椒一 發熱且唇已開裂出血何可再用附子余思內經云假者反之此症非辛 一錢炮薑四片似覺平淡以期老母不疑煎湯灌下痰聲立止又 取伏 錢肉

故疹毒傳入膀胱下溺爲紫黑色也余弟云此兒疹後發熱誤服凉藥命

者尅肺之邪火仍返而歸心心爲君主之官邪不能犯心與小腸相表裏

幾不測得吾兄方藥真不啻起白骨而肉之實 知半解請政 如再生爱更其名藥生將

高明聊記簡未以備方家採擇或者以活人之術不無小補云爾 **余胞姪** 隣人授以福幼編一本其父與醫商醫曰小兒純陽之體 余姻親家人之子甫二歲其母已逝乳母哺之飲食不調髮黃氣短發熱 乃向藥包中取出抱龍丸一粒研而灌之尚未灌完而已斃矣 腹脹虛弱之形已現奈醫者堅稱內熱進以寒涼吐瀉不止遂成慢驚 **啊卽結胸不語次日斃命中虛生寒再進黃連未有不斃者** 睡露睛忽成慢驚庸醫尙不知其爲不足症乃以五苓散加黃連四分下 之每月一二次屢經尅伐至二歲此女脾胃大傷瘦弱至極陰虛夜 來卽取字曰佩伯誌不忘也一 續附醫案四則 福幼篇 鉤守南陽時生一女偶爾傷食中州醫者必以九製大黃丸 何可用此熟藥 熱昏 推蕩

六安廣文程公之子九歲久病不愈泄瀉抽搐懨懨一息醫曰已成慢驚 補之劑或可挽回倉猝間無肉桂遂以桂子四錢研碎入理中地黃湯內 雖神醫至此亦難爲力廣文呼號求救幾不欲生同學宋孝廉以余向贈 如法濃煎頻頻與服一 之福幼編授程程閱而疑之宋曰此子已無生理舍此更無他術服此 廉親口言之也 劑驚止又三劑全愈乾隆壬子年余回六安宋孝

裕州刺史徐公獨子十歲氣體本虛病後大熱不退屢服凉藥泄瀉嘔吐 史某者詣署求見司聞日本官有少爺染患慢驚命懸旦夕不暇會晤史 能救之乎史袖出福幼編日此前莊本府之胞叔所著耑治慢驚但 日我之來因慢驚非公事也卽延之人徐日小兒慢驚壞症醫技已窮君 角弓反張諸症作矣羣醫畢至仍係清熱解表病勢更加萬無生理少府 其方

與古書不同應否與服堂翁其自主之徐曰著書人斷無孟浪之理卽遵

腐幼籍

川閥者益可堅信無致貽誤也 親口言之更詳自丁酉至今二十餘年此編愈人甚多聊記數條以備酌 黃湯四劑驚止熱退全愈余胞弟一鵬在南陽已知大略後史尉至湖北 照編內之方不減分毫用逐寒蕩驚湯一劑喉關寒痰已開接服理中地

一三九

達生編上

原生

失者而 視之曰無異也令靜臥飼以漿糜三日自出而無所苦可以知其理矣骨哽 也是以名之日生生也者天地自然之理如目視而耳聽手持而足行至平 天地之大德日生生之德無往不在要之莫大於生人夫胎產固生人之始 難之事本常也而或異之無惑乎其然矣持此理消息行之百試之下無一 者人事也尚可以天勝之而况天道之常與自然之極者乎事本易也而 而然不待勉强於人何獨不然有童子骨哽於喉百方不出舉室徬徨一嫗 之生也莫或難之故草木之甲以時鳧鷇之出以曰豈復有導之者哉 而阻其天耶夫天豈以生道殺人哉必不然矣因思人爲至靈何有於物物 至易不待勉强而無難者也然今之世往往以難產聞者得無以人事之失 多不用藥由此敝唇焦舌以告同人頗蒙相信數年以來一邑之間 自然

四

自

產難者蓋寫矣獨惜一域不能遍及茲慢述成帙剞劂布之夫豈能有補於 生之外哉惟願順承天休而毋以人事撓之以各遂其生而已

臨産

六字眞言 初覺腹痛先要自家拿定主意要曉得此是人生必然之理極容易之事不 人說知以便伺候若疼得慢則是試疼只管安眠穩食不可亂動此處極 必驚慌但覺痛一陣不了又疼一連五六陣漸疼漸緊此是要生方可與 回睡 二日忍痛 三曰慢臨盆

此 ?時第一要忍痛爲主不問是試疼是正生忍住疼照常吃飯睡覺疼極得 熟自然易生且試疼與正生亦要疼久看其緊慢方辨得清干萬不可輕

錯到底矣

要着意留心乃是第一關頭不可忽略若將試疼認作正生胡亂臨盆則

易臨盆坐草揉腰擦肚至囑至囑再站時宜穩站坐時宜正坐不可將身

左右擺扭須知此處要自家作主他人替不得與自己性命相關與別人

到此時必要養神惜力為主能上牀安睡閉目養神最好若不能 來或扶人緩行幾步或扶桌站立片時疼若稍緩又上牀睡總以睡爲第 ~無干涉 睡暫時起

記 下轉身更不費力蓋大人宜惜力小兒亦宜惜力以待臨時用之切記切

妙法但宜仰睡使腹中寬舒小兒易於轉動且大人睡下小人亦是睡

無論遲早切不可輕易臨盆用力切不可聽穩婆說孩兒頭已在此以致臨 時俱開水到渠成不假勉强及至生下卽產母亦不知其所以然矣 稍用力一陣助之則脫然而下蓋此時瓜熟蒂落氣血兩分渾身骨節一 急因恐小兒力薄其轉身時用力已盡及致產門不能得出或亦有之宜 盆早了誤盡大事此乃天地自然之理若當其時小兒自會鑽出何須着

臥

或問

何以知此

於人乎

門則渾身骨節疎解胸前陷下腰腹重墜異常大小便一齊俱急目中金

一蓋茶時而用力乎曰此時自是不同若小兒果然逼

到產

或日偷或兒到產門而大人睡下豈不有礙曰更好蓋小兒向下時而大人 或日早一時斷乎不可動矣不知遲了一時或有妨否日不妨若果當其時 或曰小兒會鑽出之說到底未敢盡信不知古人曾言及否曰古人立言不 睡使小兒在腹中亦安睡歇力少刻自然生矣 必 三四年而後生者此是不肯鑽出耳既自不肯鑽出誰能强之自要鑽出 雞日足自能啄殼而出豈有催生之神藥穩婆之妙手乎古人謂 知小兒自會鑽出觀揠苗助長四字卽知將試痛認作正生之弊矣夫哺 過撮其大要安能事事而悉言之只要後人體會耳觀瓜熟蒂落四字卽 花爆濺眞其時矣當於此時臨盆用力一陣母子分張何難之有 誰能禦之 |無不出之理然或偶有不出者則是小兒力盡不能得出宜令上床安 有遲至

坐立則小兒倒懸矣豈能久待今大人睡下兒亦睡下有何妨礙

四五

叉曰倘

或閱壞奈何曰他十個月不閱今乃悶乎

或問忍痛過久或亦不妙曰最妙從未聞婦人偷生而難產者或謂有神護 祐非也總因胎叶於私怕人知覺只得極力忍疼疼到沒奈何時自脫然 而 出其理甚明有何疑處

义曰托之不入奈何曰若肯睡再無託不入之理若到此時仍不肯睡又 或動手動脚亂吃方藥吾末如之何也矣

或曰不宜用力已聞教矣不知誤用力以致橫生倒產有法治之否曰有急

令安睡用大劑加味芎歸湯服之將手足緩緩託入再睡一夜自然生矣

或問盤腸 能等待瓜熟蒂落之時何得有此怪異之症乎 力努掙渾身氣血下注以致腸隨兒下一次如 生是何緣故曰亦是用力之過蓋因產母平日氣虛及到臨時用 此下次路熟又復如此若

或問有一痛便生令人措手不及者此又何也曰此乃正理何足爲異蓋胎

或日穩婆必不可用乎曰但要我用他不可他用我大約此輩總欲以多事 之時只要忍耐得住等待此一時耳 氣已足子母兩分兒自脫出雖欲留之而不可得人人皆有此一痛便生

見功不肯安靜或手入產門探摸或與產母揉腰擦背每致損傷更有狡

惡穩婆欲借此居奇射利禍不忍言矣

或問試痛何故曰兒到七八個月手足五官全備已能動彈或母腹中有火 則 常眠食一二日後自然安靜偷痛之不止用安胎藥一兩服自止 或起居不時令兒不安以致大動而痛此等十胎而五不足爲奇只須照 數日遠則月餘甚至有過三四個月纔產者人多不知輕易臨盆 此後近 終日

殀譬如剖 何 以 知其試痛日一陣緊一陣是正產一陣慢一 卵出 [雛裂繭出蛹寧可活乎有又受寒傷食腹痛不可不察 陣或乍緊乍慢是試 四七

坐立或用手拖或用催生藥將兒生生取出母則九死一生兒則十胎九

或曰受寒與傷食何以辨之曰傷食者當臍而痛手重按之更痛或旁有

蓬生篇

或日將試痛認作正生其害如此偷將正生認作試痛不亦有害乎日不過 **硬塊若寒痛多在臍下綿綿而痛得熱物或熱手按之而稍緩者** 是也

殘喘而脈未離經穩婆在旁日兒頭已在產門但不得出耳某卽令安趴 日 一戒勿擾與安胎藥一服明日主人出謝曰無事矣某曰兒頭昨已抵產 飛輿相邀中途逢驅車云坐草三日不下迎父母作永訣計比至人餘

往有張公葆華之繼室孕必八月而產產必極其艱難兒皆及週而殀忽

落在褲中生在床上而已何害

又有兒頭確到產門而遲至一二日未產舉室驚惶但教以靜睡忍痛之法 門今何在日不見矣後此月餘方產子母平安始知前此皆生採也 而遲至數日或遲半月後竟獲平安而產者世間不一而足也

或曰然則無藥可用乎曰有只須加味芎歸湯佛手散二方用之不盡矣蓋 鼠兔二丸例用香竄之藥產時百 或問臨時有奇方可用否曰不用從前秘方莫過鼠腎兔腦九近時盛 過 早破以乾澁耳今二方大用芎歸生新去瘀且使身體壯健產後 胎產時全要血足血一足如舟得水何患不行惟恐產母血少叉或胞漿 患 花為君其餘亦多消導之品血已耗而又大破之多致產後發熱等病遺 香未消其損多矣且令毛竅開張招風入內禍不可測回生丹以大黃紅 有益無損此皆先賢洞明陰陽之理製此以利濟天下後世奈世 法佐之他自會生何消用藥縱 回 一無窮按此數方古之稱為神靈至寶者尙然如此其他可 [生丹非謂其不效也用不着也 脈解散氣 有不順 蓋產母既不用力又能忍痛 睡爲上策 血 | 俱虚服此散氣藥兒已出 知 人反視 义有 無 病誠 行莫

以為平常而

置之可嘆或問臨產時飲食如何日能飲食更好但不宜過

四九

達生篇

於肥膩偷不能食只將鷄鴨湯肉湯之類吹盡浮油頻頻飲之亦能稍助 五十

或曰先誤用力而致手足先出者何以治之曰卽令仰面安臥用大劑加味

精神若幷此不欲飲則惟有食粥爲上上品

芎歸湯服之將兒手足緩緩送入產戶再睡一夜自然生矣或又日倘托 之不入奈何日若肯睡必無托不入者 凡小兒手足略有出意卽須用上法治之不可令多出亦不可時久蓋

兒頭偏向谷道亦只須於谷道外旁輕輕將兒頭推正或再用膝頭抵住谷 兒頭偏向左右腿畔久不得下人但云兒已露頂不知非頂也額也令產婦 道即順門戶而出 仰臥審其偏左偏右輕輕推兒近上用手扶兒頭端正卽出矣 多出則難入時經久則手足漸青硬兒必傷矣

有門戶俱正兒已露頂不下者此因兒轉身臍帶絆其肩也亦令產婦仰臥

輕輕推兒向上以手指輕按兒肩撥去臍帶卽生

凡扶頭及撥臍帶之人必須歷練有分曉者方可任

有盤腸生者因產母氣體本虛及臨盆用力努掙渾身氣 內待胞衣已下用革蔴子去壳同硃砂末少許搗爛敷於頂心候腸收入 光滑淨盆入香油或菜油五觔夏溫冬煖如油冷摻入開水將腸盤在盆 兒下一次如此下次熟路又復如此若待瓜熟蒂落豈有此患治 血下注以致腸隨 法 部用

交骨不開由於元氣素虛用加味芎歸湯一 服立愈

九分卽去之無硃砂亦可

問有胞衣已破兒忽不動人便以爲胎死不知有遲至三五日而後產者但 勿驚擾服加味芎歸湯靜以候之

產後膀胱壅出產戶速令仰臥令人徐徐送入卽服補中益氣湯一 一劑

達後產門不閉氣血虛耳亦宜加味 芎歸湯

五

驗死胎古人謂面赤舌青母活子死面青舌赤子活母死面舌俱青母子俱 或問 有不知前法致血入胞衣腹中脹悶喘急疼痛者服牛膝湯或干金不易方 胞衣不下由於臨盆太早當產之時骨節開張壯者數日而合怯者彌月方 服加朴硝一二錢胎卽腐化而下屢試屢驗愼勿用奇方怪藥以 撲損傷皆能致胎死腹中令服佛手散自下倘時久不下再服平胃散 毒 加朴硝俱一 剪斷過數日自痿縮乾小而出若妄用手取每有因此而傷 用粗麻線將臍帶緊住又將臍帶雙折再繫一 合令不待其開而强出之故胎出而骨眼隨閉以致胞衣不及出耳治法 有平時過食椒薑煎炒等熱物胎傷於火毒有夫婦不能節慾以及跌 胎死腹中何故曰有母氣大虛胎失所養有母病傷寒之後胎傷於熱 劑立效 道以微物墜住再將臍帶 生者 傷母

死又有冷氣上冲或心胸微痛或墜脹異常皆其驗也

命

凡臨產時宜老成安靜二三人伺候一切生人俱婉言謝却勿令入房更須

夏五六月更不宜多人在房蓋熱氣擁盛能令產母煩燥發熟故保產書謂 夏月宜多貯井水仍頻換之 輕行輕語令產婦未睡者得睡已睡者不致驚醒更不宜互相耳語致令

嚴寒天氣衣裳宜厚產室宜煖蓋血寒而凍亦致難產保產書謂冬月宜火 生男生女夫命所招每有不明翁姑夫壻遇連胎生女便在旁咨嗟怨恨因 盆亦是此意

勸君莫溺女溺女傷天性男女俱我兒資財有定分若云養女致兒貧生男 簡册可畏哉 致產份懷忿成疾可笑可恨又有將女溺死者忍心害理果報昭然載在 附溺女歌

達生篇

登必皆怡親浪子千金供一擲良田美宅等埃塵若云舉女礙男兒生兒先 귶

衣地獄徒悲悽勸君莫殺女殺女還自殺孽冤相報幾時休轉刧投胎定天 後惡人亡桂折蘭摧疾如矢勸君莫殺女殺女還殺妻生殄嬰孩死索命牽 關情萬惡首淫君先戒不種孽根孽不生勸君莫殺女殺女還殺子仁人有 是佳話婚不論財禮義学擇壻安貧觅牽掛漫憂女大玷家聲爲男娶婦亦 後誰能知當階玉樹多先折老蚌雙珠不厭遲有女莫愁難遣嫁裙布釵荆

虎狼雖至毒猶知有父子人爲萬物靈奈何不如彼我聞殺女時其苦狀難 殺女求男男不來暮年榮獨始悲哀不如有女送終去猶免白骨委蒿萊

扎孺子入井尙堪憐如何親女擲黃泉及笄往嫁尙垂淚何忍懷中輒相棄

比胞血尚淋漓有口不能語咿嘍盆中水良久乃得死吁嗟父母心殘忍一

至此

產後上床宜高枕靠墊勿令睡下膝宜豎起勿伸直隨飲熱 丹溪先生云產後以大補氣血爲主雖有他症以末治之

四 **暈且收歛神氣每日三四次亦三日止** 產後再宜用鐵秤錘或溪中白石子燒紅入醋內令醋氣入鼻以 免血

病不

必服藥

四壁宜遮風不論有病無病日用熱酒

或童便一

鍾三日

而止如

無大

喚勿令驚恐

勿令熟睡恐血氣

上壅因

而眩暈倘有倦極而易於熟睡者當低

童便

盞

五 內 產後惡血冲 加熱醋一 大碗密扎壺 心昏悶不省人事者卽 口扶起病 人以壺 用韭菜一 口向鼻邊 把切碎放入 遠遠薰之或急 有嘴壺瓶

達生篇 口噤手足抽掣及角弓反張吐瀉欲死服華公愈

五五五

風散

劑

產後

中風

服華公愈風散亦可

六

•

其效

如神

達生篇

+ 九 八 七 或問 察耳及至因虛而發熱咳嗽計 養轉令食虀食粥氣血何 殊不相宜然其患猶小吳俗終年食飯至產後腹內空虛正宜滋 產後飲食亦各處風俗不同徽俗上牀卽食鷄飯吳俗率食虀粥 產後數日內各處風俗不同或日用紅砂糖湯或日用山 氣也 產後腹痛欲死用生化湯 有彌月而後茹葷者皆不通之甚徽俗終年食粥產後胃弱 便為更妙也 日用吳茱萸湯或日用酒煎益母 必如 一獨可挽回却又謂之產勞且與滋陰降火藥以至於死 何調 理 而後可日粥時食粥飯時食飯勿食生冷勿過飲醇 自而 惟有用大劑參芪以補之所謂 生予意必有因此 草湯 員屬穩當然總不 而傷 生者習焉 如 查 良可 驟 熱 沙糖湯或 血 與 酒 嘆也 脱盆 床 鷄 甚至 對童 丽 調 飯 不

+ 矣 先將臍帶剪斷則死矣 再用紙撚香油染之將臍帶慢慢燒斷使煖氣入腹漸漸作聲而活倘 小兒下地不哭或已死者急用細軟棉衣包裹或用精壯人解衣抱定 附治小兒 酒勿多食膩滯之物如猪油等類若出月之後并醇酒猪油亦不必忌 小兒有悶臍生者下地亦不能出聲須細看兒糞門後有膜包住故氣 通何益 乳少及無乳總是虛脈枯槁之故但服通脈散自能有乳若妄用穿 鷄子有去瘀生新之能但要煑得極熟若糖心者乃是生物凝滯損 山甲王不流行等物勉强打通乳汁清薄兒多不壽且不久便乾雖 人何可常食 五七

遊生篇

閉不能暗耳當以手微拍其膜膜卽破而能作聲偷拍之未破擇婦人 達生篇 一五八

之眼明手輕者用銀簪挑破其膜兒卽甦

所致愼之 臍風多難治然風之所自來皆因束臍不妥及兒尿濕臍或天寒洗兒 方藥

安胎方 當歸補血湯 白朮 黄芪 繁爽一錢 分兩不可加減 黄芪 鳖炙一兩 之劑也) 生用五分 治受胎後胎動腹痛有如欲產服之自安 (治大小產後諸虛百損發熱面赤眼紅口渴等症大補陰虛 杜仲 當歸三錢(宜用八錢陳酒浸一刻再顛) 阿膠 臺汁炒一錢 給粉炒一錢 續斷 茯苓 1錢 八分 甘草 蜜炙三分 黄本二錢半 (水二碗煎一碗一服見效

一錢 (脹滿加紫蘇陳皮各八分) 腹痛用急火煎 引用糯米百粒好酒二盃水二盃同煎服 (下紅加地榆艾葉各一錢) 阿膠再加

安胎銀苧酒

(治胎動欲墜腹痛不可忍及胎漏下血等症

学根

二阴

紋銀

五帕

(用酒一碗煎服如無苧根處用茅草根五兩加水

加味芎歸湯 也 同煎 當歸 (治交骨不開子死腹中催生胎下死胎百試百驗千古神方 一辆 龜板 用手大一片醋炙研未 婦 人頭髮

川芎

七錢

(水二碗煎一碗如用之催生約人步行五里許卽生)

如鷄蛋大一團瓦上焙存性

佛手散 當歸 又治橫生倒產及產後腹痛發熱頭痛 中疼痛不已口噤昏悶或心腹脹滿血上冲心服之生胎 五錢 (治受胎後偶然跌磕覺腹內微痛精神不爽或傷胎或子死腹 川芎 三錢 (水一盃酒一盃同煎七分服如治橫生倒產及下 去瘀 Ĺ 生新 血俱 五九 有奇效) 卽安死胎 卽

達生篇

一六十

平胃散 叉效捷 蒼朮 米州水港炒三錢 厚朴 姜汁炒三錢 服後已過一個時辰再煎服一劑丹溪先生云催生只用佛手散最穩當 死胎加黑馬料豆一合炒焦熟乘熱淬入水中再加童便一大鍾同煎如 加朴硝二三錢水二大杯煎一杯服胎卽化下 (治胎死腹中用佛手散後胎猶未下卽服此方立效) 陳皮 三 甘草 炒一錢二分

生化湯 五分) 當歸以川芎四錢乾薑炒五分桃仁 七分空心服) (如瘀作痛加童便一鍾傷食腹痛加山查一錢受寒腹痛加乾薑肉桂 (口渴加麥冬五味各一錢) (治產後惡露不行腹痛欲死及兒枕作痛) 五分去皮尖 (水二大鍾煎一鍾服 甘草炒五分

(治孕婦腰痛如折)

黑馬料豆

炒焦熟二合

(好酒一

一碗煎之六

益母湯 山查散 華公愈風散 緩命且立盡又何論於瘀血哉况與生化湯同服行者行補者補亦必無 血未盡參非所宜然危急之際所恃以挽回元氣者非參不可若救之稍 脫汗出不止等症命在須臾可加入人參二三錢服之無虞或疑初產瘀 按生化湯 省人事或心頭倒築吐瀉欲死) 送下立效 濃煎頻頻服之 阻瘀之患) 鍾調服每次三錢如口噤則挑牙灌入斷噤則不研末將荆芥穗與童便 達生篇 (治瘀血不行因而腹痛) (治同益母方) (行中帶補從來稱保產之聖劑偷值產後 血崩氣促形色俱 (治產後中風口噤手足抽掣及角弓反張或產後血量不 山查淨肉 荆芥穗 益母草 二兩或三兩 四兩炒黑研末 除梗不用焙乾研末 用紅糖數錢拌勻好酒 六 酒水各一 (用童便 碗百沸

六二

同煎俟徼温灌入鼻內立效

達生篇

通 脈湯 (治乳少及無乳) 生黄芪 一兩 當歸 五錢白芷 五錢

白通草 用水酒各一碗煎服前藥又體壯者加好紅花四五分以消惡露 前藥服後覆面而睡如未效再服一劑無不效矣新產無乳不用猪蹄只 三錢 (治胎覺有傷及患小產者屆期於數日前先服之) (先以七孔猪蹄一對煑湯去蹄取湯二碗吹淨浮油煎

簡易方 真艾葉 四錢 鷄子 四個 沸令產母東面服之 可免小產之患 去殼入湯內再煎數沸取出連湯食盡或分作二次食盡亦可連服數日 (治坐草三四日不下) 蜜 用水二大鍾先煎艾葉煎好去淨艾葉將鷄子 菜油 好酒各一經三味合煎十餘

救急方

(治產後鼻中流血不止口鼻漸起黑氣)

千金不易方 治產後一切病症無不神效 牛膝湯 安胎保產仙方 荆芥穗八章 蘄艾七分(醋炒) 川貝母一錢(去心) 甘草五分(炒) 黃葵子一錢中 當歸二錢 瞿麥一錢 (水二鍾煎一鍾服) 厚朴七分(姜汁炒) 倒產子死腹中一切急症俱奇效 全當歸 生黃芪分(引加薑二片水二鍾煎七分服藥味要眞分兩要准) 芥穗炒黑 本人頂心髮===#紅絨線===#(合紮右手中指節上令極緊卽止) 達生篇 (治胞衣不下服之胞卽化下) 牛膝=쬻 各一錢) (血崩加地榆山梔炒黑 丹皮各一錢) (血量加五靈脂酯炒 益母草 (治胎傷欲墜腰腹疼痛見紅不止及交骨不開或橫生 枳殼六分(麵炒) 羌活五分 白芍酒炒冬月一錢餘月俱一錢牛 香附醋炒 (三四朝發熱加泡薑人參黃芪繁格各一錢) 延胡索各一錢中 當歸三錢 川芎 (如冒風加防風天麻各 木通三錢 川芎 一六三 鬼絲餅各錢牛(酒洗) 滑石四錢 生地

い高米国目長と見及か一子

(瘀血不行而腹硬加紅花枳實各一錢)(飮食不進加山查麥芽各一 (心膈迷悶加陳皮枳殼砂仁各一錢)(咳嗽加杏仁桑皮桔梗各一錢)

錢) 煎六七分服) (心神恍惚加茯神遠志各一錢) (胞衣不下加樸硝三錢)(水二鍾 (脾胃作脹加白朮茯苓蒼朮厚樸陳皮砂仁枳殼各一錢)

肉線方 老薑三斤(連皮揭開) 蘇油二斤 於用力所致不可扯斷斷則難治矣) (治產後有肉線垂出約長三四尺觸之痛引心腹欲絕者係過 (先用舊絹一塊疊作長方式將肉線輕輕

束胎丸 盛起盤曲作三團納入產戶再將前藥拌勻炒乾乘熟盛以絹袋就近薰 之稍溫卽另換熱者薰一日可縮入大半再薰一日全愈) 白米一頭(土地) (治妊娠七八月後腹覺過大服之使胎氣飲束易產) 茯苓七錢 陳皮三丽(忌火) **主更大了夏月一兩餘月俱七錢牛**

(分作五服水二鍾煎六七分服)

白朮散 (治受胎後面目四肢浮腫名曰子腫)

胃土虛不能制水所致故此方以扶土泄水爲主若脾胃甚健而亦患腫 白朮一錢(土炒) 下每日一劑服五劑)(按子腫亦名胎水皆由飲酒過多或泄瀉損傷脾 茯苓皮 陳皮 川芎 木通音五分(共為末米湯飲

天仙籐散 (治孕婦足腫喘悶甚者足出黃水名曰子氣)

(加紫蘇

者是病在氣不在水用後方治之)

天仙條故妙即青木香縣 木瓜生藍各三片水牛碗空心煎服用六劑 香附(炒) 烏藥 陳皮 甘草至分(炙)

達生籍

家藏

旃疹經 驗闡 秘方 解

總論

非厲邪痧子爲本咽喉咳嗽等形爲末乎今醫不究其受病之因乃執 肺之經隧所以必現咽喉腫痛鼻塞噴嚏咳嗽胸悶嘔噁渾身痠痛等形此 觸者蘊釀成疾所以其症發必一方長幼男女相似互相傳染與厲疫同稟 行冬不藏陽每多溫煖及至春令反有暴寒折伏皆為非時不正之厲氣感 而入於肺脾發必由肺脾而出於肌表當厲毒發作之時熱淫之氣浮越於 之氣肺主皮毛脾主肌肉肺開竅於喉鼻鼻氣通於天氣受邪之時從口鼻 氣旺者雖感重邪其發亦輕稟氣弱者卽感微邪其發亦重夫人肺主一身 近年喉痧 暴雨酷暑嚴寒四時不正之氣即爲厲氣人若感之便能爲害邇年天道南 忽於痧子早進寒凉遏伏厲邪之故耳蓋天有六氣俱能生殺萬物 一症日 :甚一日且多殞命者其故何也祇緣舍本求末重 凡疾風 於咽 喉

家藏秘方

六七

種

冢藏秘方

諸痛 蘇杭 者卽 名也余非業醫者因從前子女慘遭其害爱是潛心醫學研究歲運司 留其毒旣洩咽喉豈有不愈所以先賢諸敗毒散中皆用表散亦同 散開達之劑寒涼清膩等藥一 閉 表散以爲雙解之法體質强壯者幸藉元氣充足或以敵邪致愈稟姿單 田 年以來稍悟一 險候醫家見之猶曰病重藥輕更以寒涼倍進必致瘀毒內陷燔灼 腫 一族升命歸泉路要知頭面紅 一變音啞喉腐氣促腹瀉齒鼻流血 屬 此症盛行殞命者不少予仰體上蒼好生之德敢將一 退鼻有清涕遍身作癢脫皮方進涼血清解之味靡不應手速效近見 火紅腫 斑凡有親友患此者商治於余皆以表散開達爲主直 為熱急進寒涼甚至用犀羚石膏金汁黃連等味稍兼 味不可兼雜使其疹從汗透則其毒自 腫焮赤正瘀毒外達之勢當此之時 舌縮唇焦膚乾無汗發厥 得管見你告四 口噤種 此 薷 愈 騰喉 意命 待 天敷 進表 辛涼 然不

方並非立異忌能炫玉求售惟冀醫林高士藥業仁人鑒余微忱勿加詢罵

痧

則患者幸甚余亦幸甚

升麻五分 白杏仁 去皮尖(三錢)便溏者勿研 葛根一錢中或一錢 加浮萍草 11錢 防風荆芥不炒亦可症重者加麻黃 11分四分 除去浮萍草 升麻葛根湯慈點際屬不選者用之 荆防葛根湯第一息方 葛根 鋒 牛蒡子 三錢 赤芍蜂 生甘草四分

桔梗 發

炒荆芥蜂

枳殼一錢

土貝 三錢(去心研)

炒防風鈴

蟬衣一錢 櫻桃核 三錢

浮萍草三錢

生草 四分

荆芥蜂

牛蒡三錢

桔梗蜂

託裏舉癍湯

升麻一錢(見點後不用) 柴胡五分 歸身五分(當者勿用)

赤芍一錢(酒炒)

浮萍 三錢

水炙甘草五分 原方有白芷一錢 家藏秘方

製山甲一等當酌用之

一六九

筹崩利力

蟬衣牛蒡荆芥象貝隨症可加

玉鑰匙 即子時吹樂 第一良方

治一切喉症腫腐爛長肉生肌始終用之

製元明粉至 硼砂五錢 硃砂 六分 冰片票 製蠶 五分

用新傾銀罐先硼後硝層層間鍊如昇枯礬之狀鬆脆爲貴研極細末置

冷地出火氣後加冰片

嗽口方

如口有腥臭加羗活防風各一錢 喉症初起用嗽口方 生甘草一錢五分 苦桔梗一錢 元參 三錢 薄荷八分

服侍病者之人及病家內外人等亦宜將此藥另泡一壺隨即漱口以免傳 染更須飮些火酒以皮蛋下之庶無變端矣

氣膨方

碗仍將孔封好用濕泥徧糊日晒候泥乾燥放在爐上煅煉去泥將瓜炭研 夏月老西瓜一個開一孔將瓜肉取出納入陽春砂仁四兩獨囊大蒜一觥

細末每服三錢開水空腹送下立卽消脹

火傷

陳桐油脚塗之立愈

開水燙傷

者敷後加以乾末撒上潰爛不斂者取伏龍肝炭火燒紅水飛晒乾研末人 白礬末井水調敷立刻止痛並不起泡或用地榆磨細如麵香油浸敷破損

乳調敷立愈

一切眼疾

小青皮一錢早晚薰洗七日見功

赤游螳螂子

Ł

身而 初生小孩胎中受毒腿上患色紅腫成片身熱名曰赤游游者走也游走遍 !死取哺退雞蛋內臭水拂上一二次全愈小孩口內生疳或腮內 生

生地五錢生軍一錢陳酒浸透取出共搗爛塗足心男左女右用絹縛好乾 紅塊名曰螳螂子亦皆胎毒也往往用刀割之法初生小孩豈能堪此 祇用 餅

貼男左女右湧泉穴周時愈湧泉穴卽脚心 歸身川芎吳茱萸各一錢熟地製香附各一錢五分白芍茯苓丹皮各八分 胭脂水磨塗卽消亦妙方也 即易愈乃止嫩膏塗游亦效口疳用生香附半夏等分爲末蛋白調作如 生薑一塊連皮打碎紅茶濃煎服之立愈 調經種子湯 痢 疾 吾鄉治螳螂子用代赭石以

元胡索陳皮各七分經水先期色必紫加條苓八分過期者色必深加官桂

乾薑熟艾各五分不論先期落後每服加生薑二片水一碗半煎八分俟經 水至日空心服起以渣再煎臨臥服一日一劑服至經止兩三日交媾即孕

偏身疼痛以當歸桂枝元胡索天麻各等分爲末均五服酒送下可愈 痛 咳嗆吐血 風

尤妙 尖一兩共研細末加煉蜜爲丸如龍眼核大不時噙化一丸或加生草五錢 白明礬二錢研末用生薑自然汁調灌其涎或吐化卽醒因中寒者用乾薑 真阿膠蛤粉炒五錢天冬去心一兩川貝去心五錢茯苓五錢大杏仁去皮 中風口噤

家藏秘方

附子灌之

瘰

癧

ー

患生項間初起一小塊不覺疼癢在皮囊膜外漸大如桃核旁增不一皮色 不異以子龍丸每服三分淡薑湯送服每日三次至消乃止或服小金丹陳

酒冲服蓋援取汗漸消此症切宜早治愈後數年內忌食香橙食則復發

横

痃

日取角刺粥時飲三四日全消或以子龍丸每服三分淡薑湯日送三次全 生於小腹兩旁大腿界中形如腰子皮色不異硬如結核按之微痛者是也

愈乃止大忌開刀開則刀口無膿惟出白膩漿三百日內必死自潰者亦然

篳撥 牙疳痛 錢 立止牙痛 川椒 五分 石膏 五分 青鹽 四分 共爲細末點於痛處立止

破傷風 蜓 蝣一 條將細夏布包之揩在患處二次卽愈 刑曹案牘多被歐後以傷風死者在保辜限內於律不能不擬抵

呂太常含暉刊此秘方以濟世其效如神

拔疗散 荆芥黃 飲之汗出立愈惟百日以內不得食雞肉 (蠟魚螵⑻క) 各五錢加艾葉三片入無灰酒一 **耑治疔毒以一丸呵軟捻扁貼患處卽黏著不脫** 頃刻止痛次日腫消卽愈已走黃者貼之亦必霍然誠疔瘡之至 碗隔水煮一

如非疔貼上不黏著

炷香熱

研極 細 三阴 銅綠研細篩過再研無聲爲度 A 百草霜研細節過再研無

白蠟

切爲粗末二兩

乳香去油研極細

三兩

黃蠟刮爲粗片十兩

沒藥去油

酒忌水洗忌惱怒大忌房事

贄也貼後忌葷腥辛辣沸湯大熱生冷發物麵食豆腐茄子黃瓜

聲爲度 香稍滚一二下白蠟稍滚四下黃蠟稍滚五下乳香稍滚六下沒藥稍滚七 下銅綠稍滾入下百草霜滚過數次於鍋內冷透搓成條子丸如桂圓核大 五啊 松香 廿兩 蔴油 四兩 右藥先將蔴油入鍋內煎滚次下製好松

七六

家藏秘方

藏磁器內勿令洩氣松香須用桑柴灰煎汁澄清入松香煮爛取出納冷水 中少時再納灰水中煑以色白如玉爲度百草霜須先刮淨鍋底耑燒茅柴

百草取煙煤用之如雜以別種柴煙煤則不驗

雞 隻加雄黃巴豆共搗爛放膏藥上貼而紮之立刻能消 消疔散

作响或降氣或吐出清水卽愈 曾加水之鹽滷半小酒杯傾入候焙乾取出研末用熱酒一杯送下候腹中 病發時用艾葉十片揉碎在銅杓內炒燥不住手用箸撥動將豆腐店將不 此藥須現製現服隔夜卽不效雞犬孕婦見卽無效服後須戒茶及鮮肉 三日每逢初一及十六日用淡鹽湯吃一服永不再發 九種心胃疼痛

小腸氣

耑治腎囊堅硬小便不通者

置於碗內用手棒住初不覺暖漸熱則堅痛漸消至熱痛極不可耐然後去 雞子兩枚取清先入碗內將胡椒二錢研爲細末拌入雞子清內卽將腎囊

完卽愈如不愈再煎服一料全愈 晚娘撥火棒臭梧桐根鮮地骨皮 之只一次不復發 筋骨忽痛 甚至不能動者 即构杞根 香樟木四味等分陳酒二斤煎服

溫凉洗之少頃又洗每月止洗一日須自早至晚洗十餘次洗期列後正月 皮硝 排 六錢桑白皮 洗眼仙方 二月初二 三月初三 四月 翌 亦能獲效 年復明如初洗期不可問斷如不及覓桑白皮單用皮硝洗者 不論雲翳昏花風火時眼老年虛眼一切目疾及瞽目連洗三 洗淨生者更佳 五月翌 二兩入新砂罐內河水煎透傾出澄清 六月 初四 七月 初三 八月初十

家職秘方

九月十二十月十二十一月初四十二月初四閏月同前以上爲光明吉日不

盲必至三十六個月方能復明如初但遇洗期必須齋戒淸心靜養勿動肝 學生妻趙氏年四十五歲亦服此方連生四子神效莫測眞仙方也 果能面如童子卽隨卽有孕更怪奇者奈因孤陰無陽墮胎而無骨义有褚 生二子奇怪已極叉崔鄰張姓寡婦年六十二歲聞知此事不信偶亦試 原傳此方係四川成都府崔照磨年七十歲赴京遇戶部郎中周士發相敘 氣勿食蒜韮昏神之物勿犯穢濁從清晨起焚香向東洗之其效如有神助 可錯誤不論何月起至對月爲一年患輕者已可見效若老年虛眼雲翳瞳 之能添精補髓更除五勞七傷功難盡述人在世間知此秘方宜行方便功 一人同庚得此方崔妻年亦七十歲服之面如童子經期復至一交成孕連 送子仙方

德 無量矣

此方服

Ż

用綠礬觔許煎湯粗草紙浸透裹於傷處再以燈心繩火於紙上燻之紙溫 眼見已效多人必發必中此乃婦科中良方也 送下又湯藥方到月經將來之期每日卽送一劑桂枝一錢白芍一錢姜皮 全蝎 廣木香二兩四錢內從容二兩四錢桑螵蛸二兩四錢遠志肉 右方共藥二十六味各研細末煉蜜爲丸如綠豆大每日早晨服三錢開水 木通二兩四錢 牛膝二兩 蛤蛛十四枝 沉香 三錢 巴戟肉二兩 龍骨二兩 萆薢四錢 毫 大熟地二兩四錢 山萸肉二兩四錢 車前子二兩 鬼絲子二兩 大茴香二兩 一錢甘草一錢白糖一錢大紅棗三枚此方服丸者湯藥亦要服此方極靈 跌打骨斷 五錢 蛇床子二兩四級母丁香二兩燈草五分澄茄二兩雲苓二兩四級 二兩馬蘭花 威靈仙二爾 八分 當歸二兩 牡礪

即換紙再燻可以立刻照常或於斷骨骱上傷用竹片綁七日全愈或用黎

家雞秘方

洞丸内服外敷亦效 狗

咬

先用尿淨以番木鼈切片五上炙炭存性研末撒上二三日可以收功如腐

爛成膿有胸痞之象者當服護心散治法宜主淸火化毒 偏正頭風

白芷三錢天麻一錢防風一錢荆芥錢半煎服卽愈

此方屢用愈人非酒不爲功切勿疑忌

錢同煎

一觔治一碗冲炒砂仁末三錢服如

小便

赤如血者加川連 廣嗣方

年老之人血氣旣衰急欲生子購覓方藥不顧與已之本體宜否率服興陽

荷木通綿茵陳各三錢須原陳酒

凡患黃疸者白眯黃小溲赤遍體軟取黃豆生嚼不惡心者是用蒼耳子薄

黄

疸

家澱秘方

後去皮置透風處避太陽雨露火光每早晚吃三四枚炒鹽湯下服過百日 滚用青鹽一兩入化再揀大核桃一百個打破不去皮亦入砂鍋內炙乾然 助熱之品無益而反害之莫若用破故紙四兩的製無毒置砂鍋內盛水熬

可望有子

_